

NY LATSA NOHON'NY TENY

 Misaotra anao, Rahalahy Neville. [Hoy Rahalahy Neville hoe, “Amena.”—Mpand.]

Nilaza tamin-dRahalahy Neville aho hoe, “Azonao antoka ve fa tsy manana hosotra kely bitika ianao izao maraina izao?”

² Tonga hivavaka ho an’ny marary aho. Nisy olona sasantsasany niangona tao amin’izay isika... tamin’ny Alahady maraina aloha be. Izay tokony ho nokarakaraiko tany, dia nasaiko ho tonga eto am-pianganana fotsiny izy ireo. Ary izaho—mihevitra foana aho fa tsaratsara kokoa ny mivavaka ho an’ny marary ato amin’ny fianganana. Tsy fantatro. Tiako ny fianganana, sy ny tonga eto izay misy ny fianganana, ny olona mivavaka eto.

³ Ary nisy zazavavy kely iray tao, ilay zazavavy kely tsara tarehy indrindra, nahoana, neveriko fa mipetraka eto any ho any izy ankehitriny, raha tsy lasa nody ireo olona. Oh, hitako ankehitriny. Fa izany no zavatra kely tsara tarehy indrindra. Ary tena marary izy. Ary nihaino izy, rehefa nandre ny hafatra avy tamin’ny fiteny tsy fantatra sy ny fandikana nivoaka izahay. Ary nihaino izahay, ary mihevitra fa nahazo hoe nisy zavatra voalaza mikasika ny zazavavy kely iray. Dia niandry izahay mba hahita raha nanome hafatra iray ny Tompo, izay holazaina tany. Saingy neveriko fa mety tsara ilay zazavavy kely ankehitriny, ary ho salama izy. Ary noho izany...

⁴ Ary nisy ramatoa iray izay nahavery ny fahitany, ihany koa, ka nivavaka ho azy izahay. Ary lehilahy iray tao anaty fiara fitondrana marary iray tany, mpitoriteny iray. Tsy mihevitra aho fa nilanja dimy amby telopolo livatra ilay lehilahy, na efapolo. Izao fotsiny—tena fotsiny, tena... Ary noho izany dia tonga aho mba hivavaka ho azy ireo.

⁵ Ary ny antony somary nampiahotra ahy, betsaka, dia nilatsaka avy teo amin’ny nifiko ny tsentsi-nify iray. Ary misiotsioka irery aho, izao maraina izao, manerana an’io toerana avy eto amin’ny nifiko eto io, eto aloha eto. Ary miteny amiko izy ireo ankehitriny fa tokony ho kikisako izy ireo, ka asiana fehiny eo amboniny. Ary noho izany ity fahanterana mandadilady miakatra fotsiny ity, no zavatra tokana izay fantatro. Ary nanana tsentsi-nify iray aho tao amin’io anankiray io, ary somary ny antsasak’izany, ka rehefa manomboka miteny aho, dia afaka mahatsapa an’izany ianareo, ilay rivotra somary mivoaka, ianareo—fantatrareo izay tiako lazaina, mivoaka manerana an’ireo molotrareo. Ary izany no manao anareo somary miraiki-dela, mitovitovy.

⁶ Vahoaka iray manana tombontsoa tokoa isika ny velona izao maraina izao, sy afaka ny ho tonga aty am-piangonana. Ary eo amin'izao ankatoky ny Krismasy izao, miandry ny fankalazana izay ananan'izy ireo, fa, izaho—manantena aho fa izaho... Misy ankizy marobe eto izao maraina izao, noho izany dia hipetraka tsara fotsiny aho. Hitanareo? Ary isika lehibe, matetika, dia miresaka zavatra izay tsy tokony ho ren'ireo ankizy akory aza isika, fantatrareo.

⁷ Fa, heveriko fa manana fanomezana kely ho an'ireo ankizy kely ny fiangonana eto, afaka kelikely. Nijery an'izany fotsiny aho, tao ambadika tao. Oh, te-hijanona ianareo. Aorian'ny sekoly Alahady, dia mahandrasa fotsiny ianareo, hitanareo, satria izaho—heveriko fa manana fanomezana sasantsasamy izy ireo ao ambadika ao ho an'ireo ankizy kely, ho zaraina izao maraina izao. Ary rehefa izaho... Ianareo ankizy kely, tsarovy, raha manao an'izao izahay, dia tiako ny manao an'izao hazava, tsy Santa Claus izany, satria tantara iray izany izay hianaranareo indray andro any fa tsy misy na inona na inona amin'izany. Fa avy tamin'i Jesosy Kristy izany, ny Fahamarinana amin'ny fahamarinana rehetra, hitanareo, ilay Zanak'Andriamanitra. Ary hanome anareo an'io fanomezana kely io izahay, izao maraina izao, satria izany dia mampahafantatra anareo fa Andriamanitra dia nanolotra an'ilay fanomezana lehibe indrindra izay hany afaka nisy ho an'ny taranak'olombelona: Ny Zanany. Ary manana fomba mahanttra iray izahay, hanehoana an'izany. Ary tsy misy na inona na inona azonay homena mba hampitahaina an'izany. Fa amin'ny maha-mety maty fotsiny, ny iray amin'iray hafa, no anaovanay an'izany.

⁸ Ankehitriny, saika hiandry hatramin'ny Alahady heriny aho. Ary izaho angamba dia hanao, na ahoana na ahoana, eo amin'ny zavatra iray izay tiako nolazaina. Ary nisy zavatra iray izay efa—efa nampahafantarina anay, tany an-trano, ny amin'ny fahitana iray, ka tsy maintsy manaraka an'izany aho. Ary izany dia karazan'ny... Izany dia karazan'ny, toy ny hoe, ho karazan'ny henjana kely, saingy tsy tiantsika mihitsy ny hihevitra fa izay lazain'Andriamanitra dia henjana. Ireo—Ireo entany dia maivana.

⁹ Ary satria amin'ny Alahady heriny, raha sitrak'Andriamanitra, isika dia hanana fi—fivoriana iray eto izay mialohan'ny Ankatoky ny Taona Vaovao fotsiny, raha sitraky ny Tompo ny hanaovana an'io favoriana io miaraka amintsika. Ary te-hanana favoriana maraina iray isika, vavaka ho an'ny marary, ary angamba fotoan'ny batisa iray. Noho izany dia nieritreritra aho, hilaza an'izany amin'ireo sakaizantsika, mba ahafahan'izy ireo ho tonga. Noho izany dia hanana ny Alahady maraina sy ny Alahady hariva isika. Ary avy eo ireo olona izay te-hijanona ho an'ny Taona Vaovao, amin'izay fotoana izay isika dia manana

ny... Hanana an'ilay Fiaretan-tory ve isika, amin'ity fotoana ity? [Hoy Rahalahy Neville hoe, "Eny."—Mpand.]

¹⁰ Hisy mpitoriteny maro eto, hiresaka amin'ny alin'ny Taona Vaovao, hatramin'ny misasak'alina mihitsy. Ary—ary manasa mpitoriteny tahaka an'izany isika ho tonga sy hiresaka. Raha sitraky ny Tompo, dia te-ho isan'ireo izay manana zavatra ho lazaina aho ny alin'ny Taona Vaovao.

¹¹ Ary avy eo amin'ny Alahady heriny, dia nihevitra aho fa hitondra laharan-javatra izay niseho, izay efa niseho, haneho hoe toy ny ahoana no ifampiraharahan'Andriamanitra amin'ny Olony, ary hitondra an'izany mihitsy ao amin'ny—ny faratampony iray eto amin'ny fiangonana.

¹² Ary maro aminareo no manontany mikasika an'io raharahan'ny hetra amin'ny vola miditra izay efa nandalovantsika io. Nilamina ilay izy. Ary noho izany dia tiako ny hiteny aminareo hoe ahoana no nitrangan'izany, ihany koa. Ary heveriko, izany dia ho, tsy maintsy mamerina azy indray, amin'ny Alahady heriny, noho izany dia hiandry hatramin'ny Alahady heriny fotsiny aho. Ary hiezaka aho ny hiresaka kely aminareo, izao maraina izao, ny avy ao amin'ny Teny. Hitanareo? Ary amin'ny Alahady heriny, izaho dia—dia hiezaka, raha sitrak'Andriamanitra, ny hiteny aminareo hoe ahoana no nahatongavan'izany rehetra izany, ka hitondra aminareo ny tsirairay avy amin'ireo zavatra izay nolazain'ny Tompo, ka nandinika an'izany tonga marina tokoa teo amin'ny toerany, voapetraka marina tokoa teo amin'ilay toerana. Hitanareo? Tsy miteny zavatra diso Izy.

¹³ Fa, ankehitriny, zavatra anankiray izay iriako ho lazaina izao maraina izao, izay angamba tsy ho lazaiko, tsy ho lazaiko amin'ny Alahady heriny, dia mikasika ny zavatra iray izay nitranga omaly. Niahatra kely aho ny ho tonga izao maraina izao, satria karazan'ny torotoro tanteraka marina tokoa aho, noho izany aho—tsy nahatsapa ny ho tahaka an'izany mihitsy aho. Saingy satria eto aho, eny, dia hiezaka ny tsara indrindra izay vitako aho.

¹⁴ Afak'omaly hariva, dia nanam-bahiny aho, Rahalahy sy Ranabavy Sothmann, araka ny fantatsika eto, iray amin'ireo mpitantan-draharahan'ny fiangonana, sy ny vadiny, tonga namangy ahy sy ny vadiko. Ary niresaka ny amin'ireo fivoriana ho avy any Phoenix sy ny manodidina izahay, raha ho sitraky ny Tompo izany. Ary tany izahay hatramin'ny teo amin'ny folo sy sasany teo, heveriko, ary nandeha natory aho tany amin'ny manodidina ny iraika ambin'ny folo tany ho any.

¹⁵ Ary tamin'ny fotoana iray tamin'ny alina, dia nanonofynofy iray aho. Ary tao amin'ionofy io dia nahita olona iray aho izay natao ho ny raiko; lehilahy iray lehibe, makadiry, maneho fotsiny, amin'ny fiteny ara-endrika, ny raiko. Nahita vehivavy

iray aho, tsy nitovy tamin'ny reniko; saingy, kanefa, dia natao ho ny reniko izy. Ary ity lehilahy ity (izay natao hitovy amin'ilay ray, ny vadin'ity vehivavy ity) dia nitondra ratsy azy tamimpahalozana, hany ka nanana vatan-kazo lehibe iray izy, ary nanainga azy tahaka an'izao ka namely azy tamin'io vatan-kazo io, ary nianjera izy ka nitsitra. Ary avy eo—ary avy eo, afaka kelikely, dia niarina indray izy. Dia nandroso izy, nivonona ny hamely azy indray, dia namely azy indray izy. Ary nitsangana teny lavidavitra aho, nandinika an'izany.

¹⁶ Farany, dia leo an'izany aho. Ary kely lavitra noho io lehilahy io aho, izay natao hitovy amin'ny raiko. Noho izany dia nanatona azy aho ary nametraka ny fanondroko teo amin'ny tavany. Hoy aho hoe, “Aza mamely azy indray.” Hitanareo? Ary rehefa nanao aho, dia nisy zavatra nanomboka nitranga. Nanomboka nitempotempo ireo sandriko, ary nanana hozatra lehibe, goavana nibontsina aho. Tsy mbola nahita hozatra tahaka an'izany mihitsy aho. Dia noraisiko teo amin'ny vozon'akanjo fotsiny ilay lehilahy, ka hoy aho hoe, “Aza mamely azy indray. Raha mamely ianao, dia tsy maintsy hifampiraharaha amiko ianao raha mbola mamely azy indray.” Ary natahotra ahy ilay lehilahy, ka namela azy hipetraka tsara. Nifoha aho.

¹⁷ Eny, nandry teo, vetivety fotsiny, mazava ho azy, tonga ny fandikana an'izany. Izany dia, mazava ho azy, ilay vehivavy, amin'ny fiteny ara-endrika, dia ilay Fiagonana, izay karazan'ilay reny. Ilay ray dia ny anaram-piangonana mifehy azy, izay manapaka an'ilay Fiagonana, tahaka ny vady lahy manapaka ny vady vavy. Ary izany dia ireo anaram-piangonana izay mamely an'io Fiagonana io, ka tsy mamela Azy hitsangana eo amin'ny Tongony tahaka an'izany akory aza. Izao fotsiny, isaky ny manandrana mitsangana Izy na manao zavatra iray, izy ireo, ireo olona ao anatiny ao, dia mamely Azy ho lavo ny anaram-piangonana. Ary izany dia midika fotsiny hoe mametraka hozatry ny finoana sasantsasany—sasantsasany eto mba hanohy hametaka ny fanondroko teo, ka manao hoe, “Hifampiraharaha amiko ianao. Hitanao?” Satria, misy olona sasantsasany ao izay an'Andriamanitra. Ary nety tsara izany. Teo amin’ny . . .

¹⁸ Nifoha izahay teo amin'ny ora roa, na telo, heveriko. Ary ny zanakovavy, ny iray amin'izy ireo, Rebekah, iry aoriana iry, miasa ao amin'ny Hopitaly Metodista any Louisville izy. Izany dia, oh, ilay karazana fanofanana ho an'ny mpampivelona mpilatsaka an-tsitrano. Izany dia “candy stripers,” no iantsoan'izy ireo azy, na zavatra tahaka an'izany. Ary izy dia, izy . . . Niantso azy ho tonga tany izy ireo tamin'io maraina io, ary izany no namoha ahy. Ary aloha be ilay izy, ka izy, niaraka tamin'ny namana an-tsekoly kely hafa iray eto, izy ireo—miara-miasa izy ireo any, ka saika hitondra azy ireo nankany

Louisville aho. Tokony ho tonga tany izy ireo tamin'ny folo ora. Ary nanontany ny vadiko hoe nahoana izy no tsy afaka nuditra tao amin'ny efitra fatoriana. Nohidiko ilay izy.

¹⁹ Ankehitriny, efa nanana zavatra maro nitranga teo amin'ny fiainako aho, saingy tsy mbola nanana zavatra tahaka an'io mihitsy. Nuditra tao amin'ny tsi-fahatsiarovan-tena iray aho. Tsy fantattro ilay fandikana. Tsy mbola nanana zavatra tahaka an'izany mihitsy aho teo amin'ny fiainako. Fa, teo anoloako, ilay izy dia toy ny hoe fantattro fa fahitana iray izany, ary tao anatin'ny fahitana aho. Fa niresaka tamin'ny zanako lahy aho, Joseph. Fa, tsy tao amin'ilay efitra izy tamin'io fotoana io. Fa na ahoana na ahoana, vao nandona ahy fotsiny ilay izy, dia niresaka tamin'i Joseph aho.

²⁰ Ary izaho—niandandra aho. Ary karazan'ny tao anatin'ny endrika pyramida iray, nitsangana teo anoloako, dia nisy vorona kely, madinika, zavatra mitovy amin'ny antsasaky ny inch ny halavany. Ary izy ireo dia, teo amin'ilay tampony, teo amin'ireo sampana, dia nisy ny... atao hoe, telo na efatra. Avy eo, manaraka, ilay sampana manaraka dia nanana valo na folo angamba. Ary teo ambanry, dia nanana dimy ambin'ny folo na roapolo.

²¹ Ary mpiady kely izy ireo, satria voakapoka ny elany, ary toy ny hoe niezaka ny hiresaka tamiko izy ireo, milaza zavatra iray. Ary tany Andrefana aho, toy ny hoe tany Tucson, Arizona. Dia njery nankany Atsinanana ireo vorona. Ary nihaino tsara aho. Niezaka nilaza, toy ny hoe niezaka niteny zavatra tamiko izy ireo. Ary nanana elatra kely izy ireo, izay voakapoka tanteraka, sy ny sisa. Tena voaisy holatry ny ady tsara mihitsy izy ireo. Avy eo, tampoka teo, dia nanomboka naka ny toeran'ilay iray hafa ny vorona anankiray, nitsambikina tahaka an'izao. Ary izy ireo, niala haingana ireo vorona kely, nanidina nankany atsinanana.

²² Ary rehefa nanidina izy ireo, taorian'izany dia tonga ny vorona iray lehibe kokoa, mitovy kokoa amin'ny voromailala, miaraka amin'ny elatra maranitra. Ary—ary—ary tonga tao anatin'ny andiany iray izy ireo, ary haingana, haingana kokoa noho ireo vorona kely, nanidina nankany atsinanana.

²³ Ary izaho dia mbola tao amin'ny... ireo fieritreretana anankiroa niaraka, dia fantattro fa nitsangana teo aho, ary fantattro fa tany an-kafa tany ho any aho. Hitanareo? Dia nieritreritra aho hoe, "Ankehitriny, fahitana ity, ka tsy maintsy mianatra aho hoe inona no dikan'ity."

²⁴ Ary vantany vao nandalo ilay vondrom-borona faharoa, dia njery nankany Andrefana aho. Ary toy ny hoe tao amin'ny endrika pyramida iray, toy ny hoe roa isaky ny ilany, miaraka amin'ny anankiray eo amin'ilay tampony, no nahatongavan'ireo Anjely mahery indrindra izay hany hitako teo amin'ny fiainako. Hafainganam-pandeha mampatahotra iray, tsy mbola hitako

mihitsy. Ny lohan’Izy ireo nankany aoriana, ary ny elatr’Izy ireo maranitra, nisosa haingana fotsiny! Ary nandôna ahy ny herin’Andriamanitra Tsitoha, tamin’ny fomba iray, hany ka nampakatra ahy avy teo amin’ny tany mihitsy Izany, avy teo amin’ny tany mihitsy, niakatra.

Afaka nandre an’i Joseph mbola niteny foana aho.

²⁵ Ary feo tahaka ny feon’ny rindrim-peo vaky, ka–ka nivoaka ny fierona lehibe iray, avy lavitra, tany Atsimo. Ary rehefa nakarina aho... Dia nisy hafainganam-pandeha mampatahotra iray an’ireo Anjely! Ary izaho—afaka mahita Azy ireo mihitsy aho izao ankehitriny izao, hitanareo, raha—raha tonga Izy ireo, tao amin’io endrika tahaka an’izao io, tonga haingana teo amiko.

²⁶ Ankehitriny, tsy nanonofy, ankehitriny. Tsia. Teo mihitsy aho, nifoha tanteraka tahaka ahy ankehitriny. Hitanareo?

²⁷ Fa tonga teo Izany. Ary tena haingana mampatahotra Izy ireo, hany aho ka nieritreritra, rehefa niakatra Izany... Reko io fipoahana io, tahaka, na tahaka ny feo mipoaka iray izay nivoaka, tahaka ny rindrim-peo iray. Ary rehefa nipoaka izany, dia nieritreritra aho hoe, “Eny, tsy maintsy midika izao fa vonona ny ho vonoina aho, hitanao, ao anatin’ny karazana feo mipoaka iray.” Ary—ary izaho fotsiny... Raha mbola nieritreritra an’ireo zavatra ireo aho, dia nieritreritra hoe, “Tsia, tsy ho izany ilay izy. Satria, raha feo mipoaka iray ilay izy, izany dia ho naka an’i Joseph, ihany koa. Satria, eo izy, mbola miteny, mihevitra fa eo aho. Afaka mandre azy aho. Tsy izany ilay izy.”

²⁸ Ankehitriny, mbola tao amin’ny fahitana daholo io rehetra io. Izany dia tsy... Hitanareo? Tao amin’ilay fahitana izany.

²⁹ Ary avy eo, tampoka teo, raha nahafantatra aho fa izaho dia efa... Nanodidina ahy Izy ireo. Tsy afaka nahita Azy ireo aho, saingy nentina nankao amin’io andian-kintana an’ny pyramidan’Izy ireo io aho, tao anatin’io andian-kintan’ireo—ireo Anjely io, an’ireo dimy. Dia nieritreritra aho hoe, “Ankehitriny, ny Anjelin’ny fahafatesana dia ho anankiray. Ny dimy dia ho fahasoavana.” Nieritreritra an’izany aho. Nieritreritra aho hoe, “Oh! Izany dia—Izany dia tonga miaraka amin’ny Hafatra. Izany no faratampoko faharoa. Tonga Izy ireo hitondra ho ahy ny Hafatra avy amin’ny Tompo.” Dia nihiaikiaka tamin’ny heriko rehetra aho, mafy arak’izay vitako hoe, “O Jesosy, inona no Asainao hataoko?” Ary rehefa nanao aho, Izany fotsiny—niala tamiko fotsiny.

³⁰ Izaho—izaho—tsy nahatsapa ho tsara mihitsy aho, hatramin’io. Hitanareo? Izaho dia, omaly tontolo andro, tsy maintsy nijanona tao an-trano aho, nahatsapa saiky ho tany ivelan’ny tenako. Tsy afaka manao ny saiko hazava aho. Ary ny voninahitra sy ny herin’ny Tompo! Tena ngoly tanteraka aho,

rehefa niala tamiko Izany. Nierzaka nikosoka ny tànako aho. Dia nieritreritra aho hoe, "Tsy afaka mahazo ny fofon'aiko aho." Dia nandehandeha aho, ary nanerana ny gorodona, ary nandroso sy niverina. Nieritreritra aho hoe, "Inona no dikan'izany, Tompo? Inona no dikan'izany?" Avy eo, dia nijanona aho. Hoy aho hoe, "Tompo Andriamanitra, ny Mpanomponao dia... Izaho—tsy mety mahazo fotsiny aho. Nahoana? Inona izany? Ampahafantaro ilay izy, Tompo." Eny, rehefa ny . . .

³¹ Tsy afaka miteny aminareo aho, rehefa hoy aho hoe, "Herin'ny Tompo." Tsy misy fomba hanazavana an'izany. Ilay izy dia tsy izay tsapanareo eto, ao amin'ireo fitahiana. Izany dia ireo fitahiany Tompo. Masina iray izany! Oh, oadray! Izany dia—izany dia any ankoatry ny zavatra rehetra izay azon'ny mety maty iray eritreretina akory aza. Hitanareo? Ary izany—ary izany dia nanorisory ahy, tena mafy. Izany tsy... Tsy fitahiana iray izany. Fahasorenana iray izany. Mikorontana ianareo. Hitanareo? Izay ilay izy. Raha afaka fotsiny mantsy ianareo . . .

³² Raha afaka nanana fomba iray fotsiny mantsy aho izay nahafahako niteny tamin'ny olona hoe inona izany, na inona ilay izy... inona ilay fahatsapana an'izany! Izany, izany dia tsy toy ny hoe mipetraka eo fotsiny, te-hifaly. Izany dia—izany dia zavatra iray izay ny hozatra tsirairay ao anatinareo fotsiny... Any ankoatry ny tahotra izany. Any ankoatry ny nampitahotra izany. Fanajana masina izany. An'ny... izaho... Tsy misy fomba hanazavana an'izany. Na dia, hatramin'ny, ny lamosiko manontolo, ny taolan-damosikо ambony-sy-ambany, hatrany amin'ireo rantsan-tànako, ny tongotro ambony-sy-ambany ary ireo rantsan-tongotro, ny tenako manontolo dia ngoly fotsiny, hitanareo, toy ny hoe ianareo fotsiny—nandeha tany ivelan'izao tontolo izao ianareo, tany ho any. Ary—ary niala tamiko izany, tsikelikely, ka izaho dia nilaza tamin'ny—tamin'ny Tompo hoe, "Hampahafantatra ahy fotsiny ve Ianao, O Andriamanitra?"

³³ Ataoko, fa, ny akaiky indrindra izay hany tonga mikasika ny zavatra mahery indray tahaka an'izany, dia fony aho tany Zurich, Soisa, ilay fotoana izay Nanehoany tamiko an'io Voromahery Alemandy nandinika an'io mpitaingin-tsoavalys Anglisy izay nitety an'i Afrika io. Ary hoy Izy hoe, "Ny rehetra dia nanota ka tsy nahazo voninahitra."

³⁴ Dia niantso mafy ny Tompo aho, mba hanampy ahy. Ary izaho—tiako Izy hanome ahy ny fandikana, satria nanontany aho raha nidika izany—raha nidika izany fa handeha aho, ho vonoina aho. Ary raha izany ilay izy, dia tsy hilaza na inona na inona amin'ny fianakaviako mikasika an'izany aho. Raha izany no fotoako handehanana any an-Trano, nahoana, dia handeha any an-Trano fotsiny aho, izay ihany ny amin'izany. Fa raha—raha izany no dikany, dia tsy te-hiteny amin'ny fianakaviana

aho, tsy tiako hahafantatra na inona na inona mikasika an'izany izy ireo. Ho tanteraka fotsiny anie izany, ary izany—ho izay ihany ny amin'izany.

³⁵ Hoy aho hoe, “Tompo, ampio aho. Tsy te-hiteny amin’ny fianakaviana aho, raha—raha Ianao no... Ity, raha izany no antsoko ho any an-Trano, eny, izaho dia—handeha aho.” Hitanareo. Hoy aho hoe... Ary, fantatralre, ianareo dia...

³⁶ Hoy ianareo hoe, “Eny, nahoana ianao no tsy nieritreritra an’izay nolazainaao tao amin’ilay fahitana, izay nolazain’ilay fahitana?”

³⁷ Fa tsy afaka mieritreritra zavatra tahaka an’izany ianareo amin’izany fotoana izany. Ianareo... Tsy afaka aho, na ahoana na ahoana. Dia nieritreritra aho... Nikorontana fotsiny aho, sorena. Tsy fantatral hoe ahoana no hieritreretana. Tsy afaka mieritreritra ianareo.

³⁸ Dia hoy aho hoe, “Ray any An-danitra, raha midika izany fa—fa fipoahana iray no haka ahy, eny, dia ampahafantaro ahy ankehitriny, mba tsy hilazako na inona na inona mikasika an’izany. Aoka ny Voninahitrapa sy ny herinao ho tonga eo amiko indray, ka hampakatra ahy indray. Na, aoka ny Voninahitrapa ho tonga eo amiko, ary amin’izay fotoana izay aho dia—ho fantatral amin’izay fotoana izay fa izany dia midika—izany no dikan’ilay izy, ary mba ahafahako mihazona azy samirery.” Fa tsy nisy na inona na inona nitranga.

³⁹ Koa noho izany dia hoy aho hoe, “Noho izany, Tompo, raha midika izany fa handefa an’Ireo Irakao ho an’ny fanirahako Ianao, amin’izay fotoana izay dia aoka ho tonga indray ny Herinao.” Saiky namoaka ahy niala tao amin’ilay efitra izany!

⁴⁰ Na izany aza, izaho—niverina tamin’ny tenako aho, niaraka tamin’ny Baiboliko teny an-tànako, avy eo, hitanareo, ary nangataka an’Andriamanitra mba hanampy ahy. Ary rehefa nanao aho, Izzy—naneho zavatra iray tamiko tao amin’ny Soratra Izzy, nifandraika tamin’izany mihitsy, teo mihitsy. Dia nieritreritra aho hoe, “Mety ho izany tokoa ve io? Ahoana no nanaovako an’izany?” Ary, oh, izaho—tsy afaka manazava an’ireo zavatra ireo aho, ry havana. Any ankoatry ny zavatra rehetra izay fantatral izany. Hitanareo?

⁴¹ Ny vadiko dia vehivavy iray tena hafahafa mihitsy; iray amin’ireo tsara indrindra eto amin’izao tontolo izao. Fa, nandritry ny fotoana fohy, dia tsy nilaza na inona na inona mikasika an’izany aho. Nandroso aho. Fantany fa nisy zavatra nitranga. Noho izany rehefa niteny taminy aho, dia hoy izy hoe, “Fantatralao, Bill, hitako ianao ary nandre anao aho, tao amin’ny maro tamin’ireo zavatra ireo.” Hoy izy, “Fantatralao fa mino anao amin’ny foko rehetra aho,” hoy izy. Hoy izy hoe, “Fa nanana zavatra marina tokoa io.”

⁴² Ilay izy fotsiny dia toy ny hoe, manozongozona ahy fotsiny, ilay zavatra mipoaka sy ilay fahatongavana haingana an'ireo Anjely tahaka an'izany, dimy tamin'izy ireo niaraka, tao amin'ny—ny andian-kintan'Izy ireo. Mitovy, somary mitovy—mitovy tamin'ilay pyramida izay nataoko sary teto, hitanareo. Izy ireo dia toy ny hoe, tamin'ny voalohany, Izy ireo dia toy ny, karazan'ny... teny lavitra, Izy ireo dia somary tahaka an'ilay lokom-boromailala. Ary izy ireo dia tao—tonga avy tamin'ity lèlana ity. Ary izy ireo dia, toy ny hoe, iray, roa; telo, efatra; ary avy eo ny anankiray dia teo amin'ilay tampony mihitsy, hitanareo, manao dimy. Ary tonga niaraka tamin'ny hafainganam-pandeha iray izy ireo! Tsy misy na inona na inona, tsy misy fiaramanidina haingam-pandeha, tsy misy na inona na inona hafa afaka ampitahaina amin'izany.

⁴³ Ary afaka mahita Azy ireo fotsiny aho, ary ny lohan'Izy ireo dia somary nitongilana. Ireo elatra nanondro nankany aoriania, voaisy fiarovana tanteraka, ary indro tonga Izy ireo, hoe "Fooo!" Tahaka an'izany. Nidina avy hatrany mihitsy, ka naka ahy nankao amin'io pyramidan'ny andian-kintan'Izy ireo io. Hitako fa niainga aho, niala tamin'ny tany. Nieritreritra aho hoe angamba... Reko, avy lavitra, io fieronana io hoe, "Hoom!" Tahaka ny—ny—ny fiaramanidina iray rehefa miampita an'ilay rindrim-peo izy, nandre azy mitranga tahaka an'izany ianareo, tahaka ny fieronana lavitra iray fotsiny.

⁴⁴ Nieritreritra aho hoe, "Ity dia mety midika ankehitriny, rehefa miala amiko ity fahitana ity ankehitriny, fa ho vonoin'ny fipoahana iray aho na zavatra iray." Nieritreritra aho hoe, "Inty aho. Nakarina aho. Izaho dia... Izy ireo, Izy ireo dia eto any ho any. Izaho dia—izaho dia ao anatin'ity, ity pyramidan'Anjely eto ity. Fa, izaho—tsy fantatro. Angamba haka ahy ho any an-Trano ny Tompo."

Avy eo aho dia nandre an'i Joseph tany, nanao hoe, "Dada?"

Nieritreritra aho hoe, "Tsia, raha izany no izy, izany dia ho naka azy, ihany koa."

⁴⁵ Tamin'izay fotoana izay dia nisy Zavatra nanao hoe, "Ianao..." Tsarovy, miandry aho, miandry Hafatra iray izay efa nandrasako foana aho, zavatra iray.

⁴⁶ Ary ilay fahitana, indray andro, fantatrareo, izay nananako teto vao tsy ela akory izay, niteny tamiko mikasika an'izay hitranga; toy ny ahoana no nitoriako tao, avy teny amin'ny masoandro, nanketo amin'ity toerana ity. Ary—ary avy eo Izy dia nanao hoe, "Tsarovy ankehitriny, mbola ho avy ny faratampony faharoa."

Nieritreritra aho hoe, "Hisy Hafatra iray."

⁴⁷ Tsaroanareo ve ny Hafatra teto? Ny fanokafana an'ilay vato sarona, izay, ireo feo sy tombokase fito izay tsy nosoratana

tao amin'ny Tenin'Andriamanitra akory aza. Tsaroanareo? Ary nitondra ahy nankao amin'io pyramida io izany.

⁴⁸ Ary Junie Jackson, raha eto ianao, ilay nofy izay nomenao ahy vao tsy ela akory izay. Ho teneniko ilay izy izao maraina izao. Ianao dia tena... Andriamanitra dia tena tanteraka. Ary mamele ahy nohon'ny tsy fanomezana anao ny fandikana; satria, nahita zavatra mihetsika aho.

J. T., mitovy ihany, hitanareo. Ary izaho—izaho—fantattro izany.

Ary Ranabavy Collins, mitovy marina tokoa. Hitanareo?

Ary enina tamin'ireo, nitarika mahitsy nankao amin'ilay zavatra iray ihany.

⁴⁹ Ary avy eo ilay fahitana izay noteneniko taminareo rehetra, taona maro lasa izay, dia nitranga mihitsy izany indray andro. Hitanareo? Nitranga izany.

⁵⁰ Ary eo izany, mipetraka tsara, ny zavatra rehetra dia mipetraka tsara. Zavatra iray mihetsika mihitsy izany. Tsy fantattro hoe inona ilay izy. Andriamanitra anie hanampy ahy; ny fivavako.

Ndaio isika hivavaka.

⁵¹ Ray any An-danitra, izahay dia—izahay dia mety maty fotsiny, ary indro izahay mitsangana izao maraina izao. Ary, Tompo, izaho... Ianao no naniraka ahy hitarika an'ity andian'ondry kely ity sy ity fiangonana ity. Ary eo amin'ny fiafarako aho. Tsy fantattro hoe lèlana iza, inona, aiza, no hahatongavana. Fa ity zavatra anankiray ity no fantattro, hoe, Ianao no nilaza fa Ianao no hanao “ny zavatra rehetra hiara-hiasaahasoa an'ireo izay” tia Anao sy nantsoina araka ny Tanjonao. Mivavaka Amino aho, Andriamanitra, mba ho eo aminay ny Tànan'ny famindramponao lehibe.

⁵² Fantatray marina tokoa fa Ianao no Andriamanitra. Ary fantatray fa Ianao dia tsy velona tamin'ireo andro lasa ihany, fa mbola velona Ianao androany. Efa Andriamanitra foana Ianao. Ho Andriamanitra foana Ianao. Efa Andriamanitra Ianao talohan'ny fotoana, ary ho Andriamanitra Ianao rehefa tsy misy fotoana intsony. Mbola ho Andriamanitra foana Ianao.

⁵³ Ary eo an-Tànanao izahay, Tompo. Tanimanga fotsiny izahay, fa Ianao no ilay Mpandasitra, ilay Mpanefy. Volavolao ny fiainanay, Tompo, amin'ny fomba izay hanaovana ny asa tsara indrindra hanajana Anao. Ekeo izany, Ray. Eo an-Tànanao fotsiny izahay.

⁵⁴ Tsy nanana fomba nitondrana ny tenanay teto izahay, na tsy fantatray hoe ahoana no hivoahanay. Ny Tompo, Ianao no nanome aina anay, ary Ianao no... Mamerina ny fiainanay Amino izahay, ary, amin'izany, dia Ianao no nanome anay, ho takalony, Fiainana Mandrakizay. Misintona an'izany ho ao

anatin'ny vatanay mihitsy ny finoanay. Ary tianay Ianao ny amin'izany, satria fantatray fa indray andro any dia hahita Anao izahay, ary ho ao amin'ny Voninahitrapa Ianao. Dia handinika Azy izahay. Ary maniry fatratra izahay ny handre an'ireo teny hoe, "Tsara izany, ry mpanompoko tsara sy mahatoky. Midira amin'ny fifalian'ny Tompo, izay efa nomanina ho anao hatramin'ny fanorenana an'izao tontolo izao." Mandrapahatongan'izany fotoana izany, O Andriamanitra, rehefa mihaona izahay rehetra, dia tariho izahay.

Mpanomponao izahay, ary mangataka famelàna ho an'ny fahotanay.

⁵⁵ Ireo fahitana mahery ireo, Tompo, dia tafahoatra loatra ho an'ny Mpanomponao. Tsy fantatroy izay hatao. Izaho—fantatroy fotsiny fa tonga izy ireo. Ary afaka milaza fotsiny ihany an'izay hitako aho, sy izay voalaza. Ary matetika dia mampatahotra ahy izany, Tompo. Ary izaho—manontany aho hoe inona no atao.

⁵⁶ Avy eo dia mandray ny Baiboly aho ka mamaky ao anatiny hoe ahoana fa tsy maintsy tsapan'i Isaia tamin'io andro io tao an-tempoly, rehefa nahita an'ireo Anjely ireo izy, ireo elatra nanarona ny tongotry' Izy ireo. Tsy mahagaga raha niantsoantso izy hoe, "Lozako! fa ny masoko efa nahita ny voninahitry ny Tompo."

⁵⁷ Ary tamin'izay fotoana izay no niantsoantso ilay mpaminany: rehefa avy nodiovina izy tao an-tempoly, rehefa nitondra an'ireo tandra ilay Anjely ka naka arin'Afo ary nametraka an'izany teo amin'ny molony; rehefa avy niaiky izy fa lehilahy maloto molotra, ary mitoetra miaraka, eo anivon'ny olona maloto. Kanefa, dia mpaminany iray izy. Nitondra an'ireo tandra ilay Anjely ary nametraka an'ilay arin'Afo teo amin'ny molony sy nanadio azy, ka nanao hoe, "Mandehana ankehitriny, maminania."

Tompo Andriamanitra, niantsoantso Isaia hoe, "Inty aho, Tompo. Iraho aho."

⁵⁸ Rehefa, hoy Izy hoe, "Iza no handeha ho anay?" Ho an'io taranaka ratsy fanahy sy mpijangajanga io!

⁵⁹ O Andriamanitra, aoka hiverina indray izany. Aoka ho tonga indray izany, O Tompo. Iraho ny Fanahy Masina miaraka amin'ny Afo manadio. Satria, miaiky aho, fa maloto molotra iray, ary mitoetra eto amin'ity tany eto ity miaraka amin'ny olona maloto. Ary maloto izahay eo Imasonao, Tompo. Fa, oh, iraho ilay hery manadio, ny Fanahy Masina! Diovy izahay, O Tompo. Diovy ny Mpanomponao, Tompo.

⁶⁰ Ary avy eo dia mitenena, Tompo. Mihaino ny Mpanomponao. Maniry mafy aho ny handre an'io Feo io. Anao aho. Ampiasao aho, Tompo, arak'izay Hitanao fa mety, raha mametraka ny tenako eo amin'ny Alitaranao aho. Aoka ny Fanahy Masina hanadio ahy, Tompo; sy hanosotra ary haniraka, Tompo, raha

mila olona iray handeha Ianao, raha izao ilay ora sy izao no fotoana.

⁶¹ Izaho—tsy fantattro, Tompo. Izaho—fantattro fotsiny fa nahita an'ireo Anjely ireo aho. Ary Ianao no mahafantatra an'ireo zavatra ireo ho ny Fahamarinana marina tokoa. Ary mivavaka aho, Tompo hoe, “Lozako,” noho izany dia ampio aho.

⁶² Ary tahio ity vahoaka ity ankehitriny. Ary eto izahay androany, alohan’ny ankaton’ity fotoam-pankalazana ny fahaterahan’ny Tomponay ity. Mivavaka izahay mba Hanampianao anay.

⁶³ Ary izao maraina izao, ny Mpanomponao, ny Rahalahinay Neville, dia nahatsapa fa izao angamba no ho fotoana iray izay tokony hitsaharany vetivety fotsiny, ary izaho angamba no tokony hiresaka. Ary izaho—mivavaka aho mba Hanampianao ahy ankehitriny.

⁶⁴ Misy ireo eto, Tompo, ary izahay rehetra, dia mila Anao. Noho izany dia mivavaka izahay ankehitriny mba Hitahianao anay raha mamaky Ny Teninao izahay ka misaintsaina mandritry ny fotoana fohy. Aoka Ny Fanahiniao ho tonga eo aminay, Tompo. Ary diovy izahay ka apetraho eo amin’ny Afo izahay, miaraka amin’ny Fanahy Masina, miaraka amin’ny Hafatr’Andriamanitra, vaovao avy eo amin’ny alitara, mba hanozongozona tontolo iray eo am-pahafatesana, mialohan’ny fanatonan’ilay Andriamanitra lehibe Mandrakizay. Fa mangataka an’izany amin’ny Anaran’i Jesosy izahay, Ny Zanany malalany, sy Mpamonjinay. Amena.

⁶⁵ Ankehitriny dia maniry aho ny hisintona ny fifantohanareo ho amin’ny Soratra sasantsasany eto, sy naoty vitsy, izay noraisiko.

⁶⁶ Ary mino aho, fa i Doc, na i Billy, na ny iray amin’izy ireo no niteny tamiko, fa te-hivoaka alohaloha kely, nohon’ny amin’ireo ankizy kely. Manana fanomezana ho azy izy ireo.

⁶⁷ Ianareo ankizy kely izay vao avy nivoaka tamin’ny sekoly Alahadinareo, ianareo—mijanònà fotsiny ianareo, vetivety fotsiny. Izay ho lazainay avy eto dia mety ho lalina kely ho anareo, saingy ianareo—saingy mipetraha tsara fotsiny ianareo miaraka amin’i mama sy papa, mandritry ny minitra vitsy. Te-hiresaka amin’izy ireo aho.

⁶⁸ Ankehitriny, ao amin’ny Salamo, ny Salamo faha-89, tiako ny hamaky andininy iray na roa, an’ny Salamo faha-89. Hiezaka aho ny hamaky ny andininy faha-50, faha-51, ary faha-52 an’ny Salamo 89.

⁶⁹ Ankehitriny, afaka mandre ahy ve ianareo rehetra ery amin’ny farany aorianana, tena tsara? Raha afaka ianareo, dia atsangano ny tånanareo. Noho izany aho... Iza no... Mandeha daholo ve ireto fanamafisam-peo rehetra ireto? [Hoy ny olona

iray hoe, “Tsy fantattro.”—Mpand.] *Ity* anankiray ity ve no tsaratsara kokoa, sa *ity* anankiray ity? *Ity* anankiray ity? *Ity* anankiray ity? [“Ireto anankiroa eo amin’ny ilany ireto no mandeha.”] Eto mihitsy, *ireto* anankiroa eo amin’ilany ireto? [“*Ity* anankiray ity, *ity* anankiray ity, ary *ity* anankiray ity.”] Eny àry.

⁷⁰ Tsy fantattro raha handray feo an’ity izy ireo na tsia. Karazany zava-mitranga iray tsy nampoizina fotsiny ilay izy izao maraina izao.

⁷¹ Fa aza adino ankehitriny, ento ireo sakaizanareo rehetra. Ary izaho—tiako ianareo hahazo antoka, saiky, ny hiezaka hanatrika ny fivorian’ny Alahady heriny.

⁷² Hamarana tsy ho ela ny fiangonana eto izy ireo, heveriko. Ary izaho dia—hiverina aho amin’izay fotoana izay ho an’ity, hitory an’ireo Tombokase Fito ireo, raha izany no sitrapon’Andriamanitra, avy ato amin’ny Soratra eto.

⁷³ Ao amin’ny Bokin’ny Salamo, ny toko faha-89, manomboka amin’ny andininy faha-50. Henoy tsara ny famakiana ny Teny ankehitriny.

Tsarovy, Tompo, ny latsa manjo ny mpanomponao; toy ny ahoana no itondrako eo an-tratrako ny latsa manjo ny olona mahery rehetra;

Dia ny nandatsan’ny fahavalonao, O TOMPO; dia ny nandatsan’izy ireo ny dian’ny voahosotrao.

Isaorana mandrakizay anie ny TOMPO. Amena, dia Amena.

⁷⁴ Tiako ny hiresaka aminareo mandritry ny fotoana fohy eo... . Tiako ianareo hanamarika an’izany, aloha, ka hamaky an’izany hatrany sy hatrany, tena tsara. Mety angamba ny hamakiana an’izany indray izao ankehitriny izao. Henoy tsara ankehitriny. Hitanareo?

Tsarovy, Tompo, ny latsa manjo ny mpanomponao; toy ny ahoana no itondrako eo an-tratrako ny latsa manjo ny olona mahery rehetra;

Dia ny nandatsan’ny fahavalonao, O TOMPO; dia ny nandatsan’izy ireo ny dian’ny voahosotrao.

Isaorana mandrakizay anie ny TOMPO. Amena, dia Amena.

⁷⁵ Ianaro tsara Izany, araka ny nitenenan’i Davida azy. Tiako ny hampiasa lahateny iray... Tena hafahafa ilay izy, raha lahatenin’ny Krismasy iray indray; saingy tahaka ny notoriako tamin’ny Alahady lasa teo ny amin’ny lahateny hafahafa iray. Adinoko hoe inona ilay izy ankehitriny. Ilay izy dia ny... . [Hoy ny rahalahy iray hoe, “*Ny Fahapotehan’Izao Tontolo*

*Izao.”—Mpand.] Azafady? [“Ny Fahapotehan’Izao Tontolo Izao.”] Ny fahapotehana: *Ny Fahapotehan’Izao Tontolo Izao.**

⁷⁶ Ankehitriny dia tiako ny hampiasa lahateny iray, amin’ity Alahady ity: *Ny Latsa Nohon’Ny Teny.* Ankehitriny dia mamele ahy hamerina an’izany indray, tena tsara. Ny...*Ny Latsa Nohon’Ny Teny.*

⁷⁷ Andriamanitra dia manana fotoana iray, sy antony iray ho an’io fotoana io, mba hahatanteraka Ny Teniny rehetra. Andriamanitra dia mahafantatra marina tokoa izay Hataony. Isika no tsy mahafantatra. Isika dia tokony handray azy fotsiny araky ny Anomezany an’izany ho antsika. Fa, Izy no mahafantatra, ary tsy misy na inona na inona lasa ratsy amin’izay Izy—efa Nokasainy hatao. Tsy maintsy tanteraka daholo izany. Tsy maintsy misy, matetika, ireo zavatra mafy sy sarotra, mba hamoahana fotsiny ihany an’ilay tena natiora, marina an’ilay zavatra.

⁷⁸ Fantatrareo, ny orana dia teraka tao amin’ireo lanitra marokoroko, rovidrovitra, tselatra mifamezevy, mikotroka. Ary raha tsy nanana orana isika, dia tsy ho velona. Fa hitanareo ve izay ilaina mba hitondra orana? Kotrokorana, tselatra, manjelatra, fahatezerana. Ary avy ao no tonga ny orana.

⁷⁹ Ny voa iray dia tsy maintsy maty, lò, mihalò, mamofona, ary miverina any amin’ny vovoky ny tany, mba hamokatra fiainana vaovao.

⁸⁰ Mila kapohina ny volamena, avadika hatrany sy hatrany, aoriania sy aloha, ary kapohina mandra-pialan’ireo fakofakon-javatra rehetra aminy. Tsy hoe satria mamiratra izy, satria ireo taim-by, izay fantatra amin’ny hoe volamenan’ny adala, dia mamiratra tahaka ny tena volamena. Fa, raha apetrakareo miaraka ireo anankiroa. Raha apetrakareo misaraka izy ireo, dia zara ianareo raha afaka hiteny ny fahasamihafan’izy ireo. Fa apetraho miaraka izy ireo, dia afaka miteny an’ilay izy ianareo. Ary ilay mpikapoka dia tsy maintsy mikapoka foana mandrapahatonga azy—azy hahita ny sariny manokana mitaratra ao amin’ilay volamena.

⁸¹ Ary Andriamanitra dia mametraka fotoana iray sy manana tanjona iray ho an’ny zavatra rehetra izay Ataony. Tsy misy na inona na inona mitranga kisendrasendra fotsiny ho an’ireo izay tia ny Tompo sy nantsoina araka ny Fiantsoany. Hitanareo? Voafidy mialoha isika. Ary ny zavatra rehetra dia miasa tsara fotsiny, ho an’izany, satria tsy afaka mandainga Izy. Ary Izy no nilaza fa tahaka an’izany ilay izy, hoe ny zavatra rehetra dia manana ny fotoany, ny vanim-potoany, ary manana ny fombany. Ary Andriamanitra no ao ambadiky ny hetsika rehetra. Ary matetika ianareo no mihevitra fa lasa ratsy ny zavatra rehetra. Miankina amintsika izany. Ireo zavatra ireo dia napetraka eo amintsika, ireo fizahan-toetra sy fahaverezan-kevitra. Mitsapa

izany, mba hahitana hoe ahoana no hihetsehantsika eo amin'ny hetsika iray.

⁸² Indray andro lasa tany, tany Vermont tany, nandeha tany amin'ny ilan'i New York izaho sy Rahalahy Fred, tany ampitan'ny Lake Champlain, ary tonga teo amin'ny ilan'i New York izahay. Ary niakatra teo amin'ilay tendrombohitra aho izay, teo amin'ny Hurricane Mountain, izay nihazako fahiny. Ary teo dia tsaroako rehefa very aho, ary ahoana fa Andriamanitra no nitarika ahy hiverina, tamin'ny alàlan'ny Fanahy Masina irey fotsiny, nanerana ny tafio-drivotra iray. Fa, efa tokony ho faty aho, levona, ary ho toy izany koa ny vadiko sy i Billy, tao amin'ny toby kely iray tany amin'ny maily lavitra. Ary naverina aho.

⁸³ Ary nisy oram-panala kely fotsiny izay notetezinay, mba hahatongavana teo amin'ilay toby, tamin'ny fiandohan'ny lohataona. Ary nitsangana tany aho niresaka tamin-dRahalahy Fred, ka hoy ny Fanahy Masina hoe, "Mitokàna irey." Dia nifindra nankao amin'ilay kirihittra vetivety aho, toerana. Niteny tamiko Izy hoe, "Misy fandrika iray napetraka ho anao. Mitandrema ankehitriny." Fa tsy niteny tamiko Izy hoe ahoana, inona. Niverina aho ary niteny tamin-dRahalahy Fred.

⁸⁴ Nandeha nankany am-piangonana tao amin'ilay trano malalaka izahay tamin'io hariva io, nilaza an'izany tamin'ny olona. Ary ny hariva manaraka dia nitranga ilay izy. Ary avy eo dia nitsangana tany aho rehefa niteny tamiko Izy, mikasika an'ireo mpanaraby sasantsasany, hoy Izy hoe, "Eo an-tànanao izany. Ataovy amin'izy ireo. Na inona na inona lazainao, dia hitranga izao ankehitriny izao."

⁸⁵ Eo ianareo izao. Fa, olona iray tsy manaja, tsy masina, ary naneso sy namingavinga an'ilay favoriana izy ireo, lehilahy tanora sy vehivavy tanora iray. Ary niezaka izy ny hanao fanehoam-pitiavana ratsy taminy tao anatin'ny tranobe; ary ny fifantohan'ny olona rehetra, raha mbola niezaka nitory teny aho. Ary natosiny nankany aoriana ny lohany ka niakatra teo amin'ny lohaliny, ary nanosika ny lohany nankany aoriana ka niezaka hanoroka azy, ary nanohy tahaka an'izany tao amin'ny favoriana, nisintona ny fifantohana.

⁸⁶ Dia hoy ny Fanahy Masina hoe, "Ankehitriny izy dia... Eo an-tànanao izy ireo. Inona no hataonao amin'izy ireo?"

⁸⁷ Nisy fahanginana masina iray. Ny olona rehetra dia nipetraka nangina toy ny maty. Dia nieritreritra aho hoe, "O Andriamanitra, inona no tokony hataoko?"

⁸⁸ Tamin'izay fotoana izay dia tsaroako, raha tsy efa fampitandreman'ny Fanahy Masina izany, roa andro mialoha. Hoy aho hoe, "Hamela anareo aho." Ankehitriny, izany no Tiany holazaiko. Hitanareo?

⁸⁹ Satria, na ahoana na ahoana, izaho—efa diso aho, angamba tsy tamin'izany, fa diso. “Ary ny diso amin’ny kely indrindra dia diso amin’ilay manontolo.”

⁹⁰ Noho izany dia hoy aho hoe, “Mamela anareo aho.” Ary misy vavolombelona mipetraka eto ankehitriny, izay tany tamin’izany fotoana izany. Tamin’io fotoana io dia nilatsaka ny Fanahy Masina.

⁹¹ Ankehitriny, hitanareo, mino aho fa ireo zavatra rehetra ireo dia manana dikany iray. Inona no hataonareo amin’ny hery iray? Ahoana no hanaovanareo, hitanareo, ny fihetsika eo amin’ny hetsika iray? Zavatra iray izay tonga toy ny hetsika iray, avy eo dia ahoana no hihetsehanareo amin’io hetsika io? Azonareo ve izay tiako lazaina? Inona no hataonareo? Ary angamba io rehetra io dia niasa hahatongavana eo amin’izay misy antsika ankehitriny. Tsy fantatro. Izaho—tsy afaka milaza fotsiny aho. Fa efa nisy foana lèlana iray . . .

⁹² Ary tsarovy fa, ny latsa nohon’ny—nohon’ny Teny dia . . . Ny Teny dia mitondra latsa iray foana. Nanerana an’ireo taona rehetra, ny Tenin’Andriamanitra voahosotra dia voalatsa foana. Ary izany no antony hoe tena sarotra ho an’ny olona izay tsy mahazo, ny hahafantatra hoe ahoana no hanekena an’io latsa io.

⁹³ Afaka mahatsiaro an’ireo mpianatra izay niverina ve ianareo ka nifaly satria nisaintsaina izy ireo fa nisaina ho mendrika mba hahatanty ny latsan’Ny Anarany? Hoy Izy hoe, “Izay rehetra miaina am-pahamasinana ao amin’i Kristy dia hahatanty fanenjehana,” ny latsa nohon’ny Teny.

⁹⁴ Tsy maintsy mahatanty an’io latsa io foana ianareo mba hanomezana ny fitsapana anareo, mba hahita. Ny olona rehetra izay manatona an’i Kristy dia tsy maintsy zanaka voaofana aloha, ho an’ilay—ho an’ilay tanjona izay nalahatr’Andriamanitra ho anareo. Ary tsarovy, raha afaka hipetraka tsara fotsiny ianareo! Tsarovy, raha Izy no niantso anareo ho an’io, dia tsy misy na inona na inona afaka hanakana an’izany tsy hitranga. Tsy misy devoly ampy ao amin’ny fampijaliana, fa ny Tenin’Andriamanitra dia ho tonga voaseho. Teraka ho an’ny tanjona iray ianareo, ka tsy misy olona afaka haka ny toeranareo. Mety manana mpaka tahaka ianareo sy ny zavatra hafa rehetra, saingy tsy haka ny toeranareo mihitsy izy ireo. Marina. Ny Tenin’Andriamanitra no handresy. Tsy mety diso Izany. Eo no tokony hitsanganan’ny Kristiana rehetra, mahafantatra an’izany—an’izany. Ary ho tonga ireo fizahan-toetra, toy ny hoe amin’ny lèlana rehetra, aminareo. Saingy tsarovy, manana tanjona iray Andriamanitra, ary hiasa tsara izany rehetra izany.

⁹⁵ Ankehitriny dia ndao isika hahatsiaro fotsiny an’ireo— an’ireo zava-mitranga nahatanteraka ny Tenin’Andriamanitra, ary ireo izay nitondra ny Teny tao amin’ny taonany.

⁹⁶ Izaho—tsapako tao amin'ny Fanahy, vao tsy ela akory izay, fa nisy olona iray nitsikera ahy. Mety tao amin'ireo tany nihainoana horonam-peo ilay izy. Izay anondroako betsaka foana, miverina ary maka an'ireo olon'ny Baiboly eo amin'izay lazaiko. Eny, ho an'ny tanjona iray no anaovako an'izany. Nilaza ny Baiboly fa ireny zavatra ireny dia voasoratra mba ahafahantsika mijery azy ireny. Ary izany no fomba tokana, tsy manana fianarana iray, ny fomba tokana azoko atao, dia ny mitodika ka manao hoe, "Hitanaereo hoe aiza *ity* no mijoro, inona no nitranga tamin'ny alàlan'izany, taiza *ity* anankiray ity no niseho." Hitanaereo? Ary amin'izay fotoana izay dia mametraka ny tenanareeo ao anatiny ao fotsiny ianareo.

⁹⁷ Tahaka ny notoriako, vao tsy ela akory izay, teo amin'ny zazalahy kely iray teo ambonin'ny sambo, fantatrareo, ary—ary teo am-pahafatesana ilay kapiteny antitra. Narary izy. Ary nanontany izy raha tsy nisy Baiboly iray tao an-tsambo. Ary nalain'izy ireo ilay zazalahy kely izay nanana ny Baiboly, ary tonga izy ka namaky ny Isaia 53:5. "Izy dia voalefona nohon'ny fahadisoantsika, notorotoroina nohon'ny helotsika." Dia hoy izy hoe, "Avelao ny... Avelao aho hiteny aminao, ry kapiteny, hoe ahoana no namakian'ny reniko an'izany fahiny." Hoy izy, "Izao no fomba nanoratany azy. 'Izy dia voalefona nohon'ny helok'i Willy Pruitt. Ary nampijaliana Izy noho i Willy Pruitt. Ary ireo zavatra rehetra izay Nataony ireo, dia ho an'i Willy Pruitt.'" Izany no anarany.

Hoy ilay kapiteny antitra hoe, "Tiako izany. Afaka mamaky ny anarako ao anatin'izany ve ianao?"

⁹⁸ Hoy izy hoe, "Hanandrana aho." Dia hoy izy hoe, "Izy dia voalefona nohon'ny fahadisoan'i John Quartz. Izy dia notorotoroina nohon'ny helok'i John Quartz. Ary tamin'ireo Dian-kapony no nahasitrana an'i John Quartz."

Hoy izy hoe, "Hitako ilay izy." Dia nanasitrana azy ny Tompo. Hitanaereo?

⁹⁹ Vakio ao anatin'izany ny anaranareo. Izy dia voalefona nohon'ny fahadisoan'i William Branham. Izy dia notorotoroina nohon'ny helok'i William Branham. Izy no nanao an'izany ho ahy, ary Izy no nanao an'izany ho anareo. Vakio ao anatin'izany ny anaranareo.

¹⁰⁰ Eny, izany no fomba tiako hitondrana ny Soratra ho an'ny—ny oloko, dia izay Nataony ho an'ny olon-kafa izay nankatô Azy. Izay Nataony ho an'ny olon-kafa izay nahatoky tamin'ilay Antony, sy izay Nataony tamin'ny olon-kafa izay tsy nahatoky ho an'ilay Antony, amin'izay fotoana izay dia vakio ao anatin'izany ny anaranareo. Raha efa teo ianareo, dia toerana inona no ho noraisinareo? Ary tsarovy, manana an'ilay tombontsoa ianareo, androany, mba haka an'ilay karazana toerana iray ihany.

¹⁰¹ Rehefa, Noa, teo amin'ny latsa nohon'ny Teny izay notenenin'Andriamanitra taminy. Noa, nisy latsa iray. Niaina tao amin'ny taona siantifika iray i Noa, izay nisy zava-bitia siantifika izay hain'izy ireo namboarina, izay any ankoatry ny zavatra rehetra izay namboarintsika amin'izao andro izao. Namiratra kokoa izy ireo, mahay kokoa. Nandroso lavitra ny siansan'izy ireo, raha amin'ny antsika. Ary tsarovy fotsiny, tsy maintsy nahatanty ny latsa nohon'ny Teny izay notorianty izy, roapolo amby zato taona, teo anatrehan'ireo mpamingavinga. Ireo fomba siantifikan'izy ireo malaza dia nanaporofo tamin'izy ireo fa tsy nisy orana teny amin'ny lanitra. Fa, kanefa, Noa dia nandre ny Tenin'ny Tompo, ary Izany dia nifanohitra tamin'ny fahazoan'izy ireo an'Izany. Noho izany, talohan'ny nahafahan'ny ainy ho voavonjy, dia tsy maintsy nitsangana nanatrika izy ary nitondra ny latsa izay nandatsan'ireo mpamingavinga azy.

¹⁰² Oh, tsy misy fisalasalana, fa tsy maintsy nalahelo an'ilay mpitory teny antitra izy ireo. Tsy nandroaka azy lavitra izy ireo na inona na inona, satria tsy nisy trano betsaka tahaka an'izao karazany izao tamin'izany andro izany. Tsy nandratra izy. Tsy nandeha nandratra na iza na iza izy, noho izany dia navelan'izy ireo hipetraka tsara fotsiny izy. "Mandrosoa, ry ilay fanatika antitra ery ambony ery amin'ny sisin-kavoana, manamboatra sambo iray eo amin'izay tsy misy rano. Oh, eny, lehilahy antitra mampalahelo! Fa," ary nanao hoe, "aiza no hahazoanao ny ranonao, mba hampitsingevana ny sambonao, ry Noa?"

"Hilatsaka avy any an-danitra izany."

¹⁰³ "Fahadalana. Afaka mitifitra ny volana sy ny kintana izahay, amin'ny radara," na inona na inona nananan'izy ireo. "Tsy misy orana any ambony any."

Fa hoy izy hoe, "Andriamanitra no nilaza fa hametraka sasantsasany eny ambony eny Izy."

"Ahoana no Hanaovany an'izany?"

¹⁰⁴ "Raharahany izany. Ny zavatra tokana nasaina nataoko dia ny mampitandrina anareo hiala eto."

¹⁰⁵ Saiky mitovy mihitsy ilay izy ankehitriny. "Avy aiza no hihavian'ilay afo?" Rahalahy, mazavazava kely kokoa ilay izy amin'izao andro izao noho ny tamin'ny andron'i Noa. Efa hitantsika hoe aiza no misy antsika. Vonona ny hipoaka fotsiny, izay ihany. Ny siansa diaefa... Tsy misy fialan-tsiny amin'izao fotoana izao, mihitsy, satria ny siansa no efa nahita an'izany. Eny, tompoko.

¹⁰⁶ Noho izany dia hitantsika ankehitriny fa tena zavatra iray mihitsy izany. Noho izany dia nalahelo an'ilay mpitory teny antitra mampalahelo izy ireo, ka namela azy handeha fotsiny. Zavatra hafahafa iray ilay izy, angamba, ho an'ireo olona ireo, ny mieritreritra fa lehilahy iray izay natao ho mahay, nefo afaka nino fa Andriamanitra, ilay Mpamorona ny

lanitra sy ny tany, dia afaka hanao zavatra iray, na hilaza zavatra iray izay Hataony, izay nifanohitra tamin'ny fomba fiheveran'izy ireo, izay nananan'izy ireo. Angamba tsy azonareeo ilay izy. Jereo. Efa . . . Nihevitra izy ireo fa afaka nanaporofo ny zavatra ara-boajanhary rehetra tamin'ny alàlan'ny siansany. Raha tsy izany ilay karazana tontolo izay iainantsika amin'izao andro izao, tontolo ara-tsaina iray, nianatra feno siansa! Ary ny zavatra rehetra izay azon'izy ireo noporofina, hoe diso, Andriamanitra dia . . . “Tsy misy Andriamanitra hany afaka hiteny zavatra iray izay (efa) azo noporofina ara-tsiansa hoe tsy nisy an’izany tany.”

¹⁰⁷ Ankehitriny, dia manana an’ilay hevitra iray ihany izy ireo amin’izao andro izao. Raha milaza ny dokoteranareeo fa tratry ny homamiadana ianareo, tsy maintsy ho faty ianareo, ary ny siansa no manaporofo fa tratry ny homamiadana ianareo, ary ao amin’ny dingana mandroso izany, dia fahadalana ny mieritreritra zavatra hafa, satria ho faty ianareo; izay ihany. Ny siansa no milaza fa ho faty ianareo. Nizaha anareo izy ireo, ary izay ihany ny amin’izany. Ho faty ianareo. Ary mihevitra izy ireo fa adala raha miezaka milaza ianareo hoe Andriamanitra no nampanantena fa hanao an’izany. Hitanareo, tahaka ny tamin’izany, dia tsy maintsy mahatanty an’io latsa io ianareo.

¹⁰⁸ Milaza izy ireo, raha hoy ny dokotera eto hoe, “Nizaha manerana izahay, ka mandroso ilay homamiadana. Efa nandidy anao izahay. Manerana ny vatanao rehetra ilay izy, ary manerana ny fonao, manerana ny avokavokao, manerana ny atinao, manerana ny rehetra. Tsy azo atao ilay izy.”

Noho izany, hitanareo, rehefa hoy ianareo hoe, “Saingy ho velona izy, na ahoana na ahoana.”

Hoy izy ireo hoe, “Eny, lehilahy mampalahelo, avelao fotsiny izy hipetraka tsara.”

¹⁰⁹ Tsaroako ilay hariva. Bill Hall, Rahalahy Hall ao amin’ny fiangonana Milltown, maro aminareo no mahatsiaro an’ilay zava-misy. Ary rehefa izy . . . Niantso ahy izy ireo. Ny vadiko, ny rafozam-baviko ary izaho, nandeha tany. Nanambady zazavavy iray izy izay anabavy, mino aho, an’i George Cupp, ilay ben’ny tanana, na mpitsara eto. Ny . . . Ny zaodahiny izany. Nentin’izy ireo teto izy mba ho faty. Ilay dokotera tany Milltown, ilay dokotera tany New Albany, nanadihady ny zava-misiny ho homamiadan’ny aty. Noho izany dia nandeha aho mba hijery an-Rtoa. Hall. Ary tratry ny tazo vony izy, ka mavo nanerana ny rehetra. Dia hoy aho hoe, “Eny, ataoko fa ho faty izy.” Ary hoy aho hoe . . .

¹¹⁰ Hoy izy hoe, “Ranadahy Bill, misy fomba iray ve izay ahazoana . . . Afaka mandre avy amin’Andriamanitra ve ianao?”

Hoy aho hoe, “Izaho—tsy fantatro, Ranabavy Hall. Afaka mivavaka aho.”

¹¹¹ Nivavaka aho. Dia niverina nankany an-trano aho, ary tsy nilaza na inona na inona tamiko ny Tompo. Avy eo dia niverina aho, ny ampitso, ary nivavaka indray.

Dia hoy izy hoe, “Mahafantatra dokotera tsara iray ve ianao?”

¹¹² Hoy aho hoe, “Eny, ny dokoteram-pianakavianay dia Dr. Sam Adair, eto Jeffersonville. Izy dia—izy dia—izy dia... Ny rainy no dokoteram-pianakavianay. Izaho sy Sam tanora dia efa mpisakaiza akaiky foana, ary—ary nandeha tany antsekoly izahay saiky tamin'ilay fotoana iray ihany, niaraka lehibe izahay. Mankany aminy foana izahay rehefa misy zavatra tsy mety.”

Hoy izy hoe, “Manontany aho raha ho avy izy hijery an’i Bill Hall?” ny vadiny.

Hoy aho hoe, “Hanontaniako izy.”

¹¹³ Eny, nilaza tamiko i Sam, hoy izy hoe, “Billy, raha ny dokotera no nilaza fa tratry ny homamiadana izy,” hoy izy, “dia zavatra tokana ihany, no hataoko, handefa azy any amin’ny olona iray izay mahay kokoa noho izaho aho, any amin’ny manam-pahaizana manokana iray. Ary hitondra an’ireo rayons-x izahay; ka tsy hametraka azy eo ambanin’ny olana betsaka.”

¹¹⁴ Nandef aho nankany New Albany izahay ary nahazo an’ireo rayons-x avy tamin'ilay dokotera tany. Nitondra azy nankany Louisville ary nizaha azy, nitondra azy tao amin’ny fiara fitondrana marary iray, ary nitondra azy niverina.

¹¹⁵ Eny, mazava ho azy, tsy te-hilaza tamin-dRtoa. Hall izy hoe inona ny aretiny, noho izany dia niantso ahy izy. Hoy izy hoe, “Ho faty izy,” hoy izy, “ilay mpitory teny sakaizanao.” Hoy izy, “Vao avy niantso ahy ilay manam-pahaizana manokana any Louisville, ka nanao hoe, ‘Ireo fanadihadiana izay nomen’ireo dokotera tany—tany...tany Milltown tany; ary ilay dokotera, New Albany; dia nanome an’ilay karazana fanadihadiana tsara.” Dia hoy izy, “Homamiadan’ny aty ilay izy, ary mandroso izany. Ary, Billy, tsy afaka mandidy ny atin'ilay lehilahy hiala izahay, ka ho velona izy.” Hoy izy, “Ho faty izy. Ary raha mpitory teny iray izy, dia tokony ho vonona.”

¹¹⁶ Hoy aho hoe, “Tsy izany ilay fanontaniana. Fa tsy mihoatra ny dimy amby dimampolo taona izy, noho izany dia mbola feno fiainana foana izy ao aminy, mba hitory teny.” Dia hoy aho hoe, “Eny, raha ho faty izy, dia milamina hatreо izany arak’izany. Misaotra anao, Dr. Sam.”

¹¹⁷ Dia nandeha aho ka niantso an-dRtoa. Hall, ary niteny taminy. Hoy aho hoe, “Rtoa. Hall, nilaza i Sam fa ireo fanadihadian’i Louisville tany dia mitovy tahaka ny an’i New Albany sy Milltown. Eo am-pahafatesana ilay lehilahy. Ho faty

Rahalahy Hall. Ary tratry ny homamiadana izy ao amin'ny aty, ary mandroso izany."

¹¹⁸ Ary noho izany dia nanomboka nitomany izy. Nitodika aho, nivavaka niaraka taminy. Ary tena tany ivelan'ny tenany izy, tamin'io fotoana io, hany ka tsy fantany fa tao amin'ilay efitra aho.

¹¹⁹ Noho izany, dia niverina aho. Ary betsaka ny olona tonga tany an-trano, tamin'ireo andro ireo. Tsy nisy olon-kafa teny amin'ny saha. Tsy mbola voaloto be loatra ilay izy, ka tonga avy hatraiza hatraiza ny olona.

¹²⁰ Te-hiala sasatra kely aho. Noho izany dia nitsofoka moramora aho, nifoha aloha be, teo amin'ny roa sy sasany, na tamin'ny telo ora. Tsy mbola nihetsika teo amin'ilay lâlankely Rahalahy Wood. Dia njery teo amin'ny lâlana aho, ary tsy nisy teo, tsy nisy olona teo, noho izany dia nalaiko ny satroko trainainy ary nitsofoka moramora tao amin'ny birao aho, ka naka ny basiko .22. Ary saika handeha hivoaka aho ka hihaza vontsira, mandra-pahatongan'ny teo amin'ny valo ora teo, ary avy eo dia handry eo akaikin'ny hazo iray any ho any ka hatory kely. Tsy afaka mahazo an'izany ianareo any an-trano.

¹²¹ Nalaiko ny satroko ary nanomboka nitety an'ilay efitra aho. Nisy paoma iray nihantona teo amin'ny rindrina. Ary izany nono paoma tena simba indrindra. Lanin'ny olitra ilay izy, ary feno kofehy, sy nivontovonto nanerana. Dia nieritreritra aho hoe, "Ho an'ny inona no nanantonan'i Meda an'ity teo amin'ny rindrina?"

¹²² Ary voamariko, indray, fa tsy teo amin'ny rindrina ilay izy. Nihantona teo amin'ny rivotra ilay izy. Nesoriko haingana ny satroko trainainy, napetrako teo amin'ny zoron-trano ilay basy, ary lavo tamin'ny lohaliko aho. Hoy aho hoe, "Tompo, inona no Tianao ho fantasy ny Mpanomponao?"

¹²³ Nidina ny iray hafa, nidina ny iray hafa, mandra-pahatongany teo amin'ny paoma efatra na dimy teo (adinoko ankehitriny hoe firy marina ilay izy) nihantona teo. Avy eo dia paoma goavana be iray, tsara tarehy, misoratsoratra ny tao anatin'y; tena paoma goavana iray mihitsy, tsara jerena, no nidina ka nikarepodrepoka an'ireo paoma hafa toy ny fakofako ireo. Dia hoy Izy hoe, "Miarena. Mitsangâna amin'ny tongotrao." Hoy Izy, "Mandehana, teneno i Bill Hall, fa tsy ho faty izy. Ho velona izy."

¹²⁴ Oh, nihazakazaka haingana arak'izay vitako aho, ka hoy aho hoe, "Rtoa. Hall, azoko ny HOY NY TOMPO HOE. Ho velona izy." Ary nandre ahy izy. Dia niezaka nitomany izy, fa tsy afaka niteny intsony.

¹²⁵ Niverina aho ka niantso an'i Sam. Dia hoy aho hoe, "Sam, ho—ho velona ny rahalahintsika."

Hoy izy hoe, “Ahoana no ahafahany ho velona tahaka an’izany?”

¹²⁶ Hoy aho hoe, “Tsy anjarako ny misaintsaina an’izany. Andriamanitra no niteny an’izany. Milamina hatreo izany.”

¹²⁷ Velona izy androany. Izany dia teo amin’ny folo taona lasa teo. Matanjaka sy salama mihitsy. Maty ny vadiny hatramin’io. Nanambady indray izy.

¹²⁸ Ahoana no hitrangan’izany amin’i George Wright, sy maro be izay azontsika lazaina, izay azontsika antsoina? Inona izany? Izany no mahatanty ny latsa. Mihomehy izy ireo ary maneso.

¹²⁹ Tsaroako rehefa talohan’ny tondra-dranon’ny ’37. Nitsangana tany aho niaraka tamin’ny Falls City Transfer Company, ary niteny tamin’izy ireo mikasika ny hoe, hisy rano roa amby telopolo dian-tongotra, mino aho fa izay ilay izy, eo amin’ny Spring Street. Nihomehy ahy izy ireo. Hoy izy ireo hoe, “Billy mampalahelo. Ataoko fa izy... Io ankizy io!” Zazalahy iray fotsiny aho tamin’izany. Hoy izy hoe, “Zazalahy tsara iray i Billy. Henatra iray fa lasa mikorontana tanteraka izy.” Tsy nikorontana aho. Natao batisa *tao* aho, fa tsy nikorontana. Izaho fotsiny dia “tao.” Ary tahaka an’izany mihitsy no nitrangany.

¹³⁰ Hatramin’ny niresahako, dia voamariko i Ranabavy Hattie Wright, mino aho, mipetraka iry aoriania iry. Mahatsiaro an’ilay zava-misy mikasika an’i Bill Hall izy. Maro. Firy eto, manatrika izao maraina izao, no mahatsiaro an’ilay zava-misy? Oh, oadray! Azo antoka. Misy maro aminareo.

¹³¹ Ankehitriny, malahelo antsika izy ireo, malahelo an’izay rehetra miezaka mihazona amin’ny Teny, amin’ireo andron’ny mpamingavinga. Fa, tsarovy, tsy maintsy tonga ny latsa. Efa tahaka an’izany foana ilay izy. Tsy maintsy nieritreritra izy ireo, tahaka ny nataon’izy ireo tamin’izany, hoe Andriamanitra, rehefa avy voaporofo ara-tsiansa ny zavatra rehetra, hoe Andriamanitra dia tsy hiteny zavatra izay nanohitra ny siansa. Eny, izany no manao Azy ho Andriamanitra. Raha nandeha fotsiny araka ny siansa Izy, amin’izay fotoana izay dia tsy ho nisy na inona na inona afa-tsy izay azon’ny olona ho tanterahina fotsiny. Fa, Andriamanitra Izy. Izy no—Izy no Mpamorona ny siansa. Afaka manao izay Tiany atao Izy.

¹³² Tsy maintsy nieritreritra izy ireo hoe, “Noa antitra mampalahelo, eny, avelao hipetraka tsara ilay lehilahy antitra. Diso an’ilay fampifalifaliana rehetra izay ananantsika amin’ireo andro ireto izy, noho izany dia avelao hipetraka tsara fotsiny izy.” Saiky mitovy ilay izy ankehitriny.

¹³³ Fa, ankehitriny, te-hilaza zavatra iray hafa mihitsy aho eto. Ankehitriny, mijery any aoriania isika ka midera ny finoany. Fa manontany aho, raha niaina tamin’io andro io isika, dia ho naka an’ilay toerana iray ihany izay nalain’i Noa ve isika? Ho afaka ve isika ka nanaiky ny hahatanty ny latsa izay

nandeha niaraka tamin'ny Fahamarinana? Nefa, avy tamin'ireo an-tapitrisany rehetra izay nisy teto amin'izao tontolo izao tamin'izany, dia i Noa sy ny fianakaviany irery ihany no nanohana an'io Fahamarinana io. Efa nieritreritra an'izany ve ianareo? Io lehilahy io fotsiny sy ireo zanany telo lahy, ary ireo vinantovaviny, ny vadiny, no hany tokana izay nanohana an'io Fahamarinana io. Fa nanana ny HOY NY TOMPO HOE izy ireo. Mijery any aorianana isika ka midera azy. Afaka mieritreritra an'izany indray ve isika?

Tsy maintsy mandeha haingana aho nohon'ny amin'ireo fanomezan'ny ankizy kely.

¹³⁴ Abrahama, ilay teny hoe *Abrahama* mihitsy dia midika hoe "rain'ny maro," no manao azy ho "rain'ny firenena."

¹³⁵ Ankehitriny, nandre ny Tenin'Andriamanitra i Abrahama. Mpaminany iray i Abrahama, ary nandre ny Tenin'Andriamanitra izy. Ary midera an'i Abrahama isika nohon'ny fihazonany tamin'ny Tenin'Andriamanitra; ahoana fa nanasaraka ny tenany tamin'ireo havany izy; sarotra toy ny ahoana izany tamin'i Abrahama. Notezaina tany izy. Avy tany Babela, ary—ary tany amin'ny tanin'i Sinara ary ireo—ireo—ireo Kaldeana, tao amin'ny tanan'an'i Ora, izay nisy an'ireo mpiaramiasa taminy, ireo havany, ary ireo niarahany nankany ampiangonana, sy ny sisa. Fa hoy Andriamanitra hoe, "Saraho ny tenanao." Oh, oadray! Zavatra iray mahatsiravina toy ny inona izany, ny mandao an'izay rehetranofikiriny ho malala, ny zavatra rehetra izay tena misy aminy, izaynofikiriny ho malala. Nefa hoy Andriamanitra taminy hoe, "Saraho ny tenanao."

¹³⁶ Ary nanome azy zavatra iray tena hafahafa. "Hahazo zazakely iray avy amin'ny vadinao ianao." Nefa dimy amby fitopolo taona izy, ary izy dimy amby enimpolo taona. Efa nitsahatra taminy ny maha-vehivavy, ny maha-vehivavy hiteraka zaza, nandrity ny taona maro. Nefa eto, rehefa avy niaina niaraka taminy hatramin'ny naha-zazavavy azy, satria isan'ny anabaviny izy, ary noho izany dia ahoana no mba hahafahany hiteraka an'io zaza io? Ary ankehitriny azonareo eritreretina ve ny amin'i Abrahama nandeha teo anivon'ireo mpiaramiasa taminy, ka nilaza hoe, "Hahazo zazakely iray izahay, izaho sy Saraha"? Azonareo eritreretina ve izany?

¹³⁷ Nahoana, hoy ny olona hoe, "Ilay lehilahy antitra mampalahelo, misy zavatra tsy mety aminy."

¹³⁸ Latsa iray izany, saingy nifikitra tamin'izany i Abrahama. Ary rehefa zato taona izy, dia tsy niahahanana tamin'ny teny fikasan'Andriamanitra mihitsy izy. Mbola nahatanty an'ilay latsa foana izy, azo antoka, nifikitra tamin'izany.

¹³⁹ Voamarikareo ve ilay fahasamihafana ao amin'izany? Saraha dia niezaka ny hanome an'i Abrahama, na nanome an'Andriamanitra, raha ny marina, fanampiana kely bitika iray,

tamin'ny alàlan'ny tenany. Nieritreritra izy, fantatrareo, fa, tamin'ny fomba hafa noho izay nampanantenain'Andriamanitra. "Ankehitriny, fantatralo, vehivavy antitra iray aho, saingy Hagara eto dia vehivavy tsara tarehy iray. Abrahama dia tsy hanisy olana ny hanambadiana azy, ihany koa. Noho izany, fantatralo, izany dia—hanampy an'Andriamanitra izany. Hanampy an'Andriamanitra izany, satria Hagara, eto, vao roapolo taona fotsiny izy angamba. Mpanompovaviko izy. Ary fantatralo ve izay hataoko? Homeko ny vadiko izy, ho vady iray," satria ara-dalàna ny fampirafesana tamin'izany. Noho izany dia hoy izy hoe... "Homeko izy, ary hahazo zazakely iray avy amin'ny vadiko izy, ary avy eo dia halaiko ilay zazakely. Ary izany ilay anankiray, nampanantenain'Andriamanitra."

¹⁴⁰ Hitanareo, miezaka manao zavatra iray foana isika; tsy afaka miandry Azy. Tsy maintsy manao zavatra iray isika, ny tenantsika. Mety ho tena tsara izany. Mety ho tsara tarehy izy. Mety ho tena tsara ilay izy, saingy tsy araka ny Teny izany. Andriamanitra no niteny tamin'i Abrahama hoe, "Ilay zazakely dia amin'ny alàlan'i Saraha."

¹⁴¹ Tsaroanareo ve izay Nolazainy mikasika an'ilay Andian'ondry kely? "Izao famantarana izao no hanaraka an'ireo izay mino." "Tahaka ny tamin'ny andron'i Noa, dia ho toy izany koa amin'ny fihavian'ny Zanak'olona, izay nisy vitsy, fanahy valo fotsiny, no voavonjy." Tsy mety diso ireo Teny ireo, noho izany dia ndao isika handinika tsara ny tenantsika ka hijanona amin'ny Teny. Eny àry. Hitanareo?

¹⁴² Miezaka manamboatra zavatra foana ny olona, mba haka ny toeran'ny sitrapon'Andriamanitra mamorona. Hitanareo, araka ny nolazaiko mazàna, ary angamba teto anatrehan'ny fiangonana, tany aloha, fantatrareo, hoe tsy afaka hangataka amin'ny ondry ianareo hoe, "Hanamboatra volon'ondry sasantsasany ho ahy ve ianao?" Tsia, tsy afaka manao an'izany izy. Ankehitriny, ny osilahy iray dia tsy afaka manamboatra volon'ondry, satria tsy hamela azy ny natiorany. Tsy mampaninona na impiry no hiezahanareo hamatotra volon'ondrin'ny ondry iray eo amin'ny osilahy iray, tsy hety izany. Tsy afaka manamboatra volon'ondry ny osilahy, ary ny ondry tsy afaka manamboatra volo. Fa manana volon'ondry izy satria ondry iray. Izany no manao azy. Tsy manamboatra izy.

¹⁴³ Tsy natao hanamboatra an'ireo vokatry ny Fanahy isika. Natao hitondra an'ireo vokatry ny Fanahy isika. Ny hazo paoma dia tsy manamboatra paoma; mitondra an'izany fotsiny izy satria hazo paoma iray.

¹⁴⁴ Ary raha miezaka manamboatra zavatra isika hoe, "Hanampy an'ilay Antony aho. Hianatra mandritry ny folo taona ao amin'ny seminera aho. Izaho hianatra an'ity, itsy, na ny *hafa*, ary hahazo ny Bakalorean'ny Literatiorako aho sy ny

diplaoman'ny Dokoterako. Hanampy ny Tompo aho, samirery.” Tsy hety izany.

¹⁴⁵ Andriamanitra, amin’ny alàlan’ny fifidianana mialoha, no mintso an’izay Tiany. Manome ny Fanjakana ho an’izay hany Iriany homena an’Izany Izzy. Nianatra an’izany tamin’ny alàlan’i Nebokadnezara isika.

¹⁴⁶ Nianatra an’izany isika tamin’ny alàlan’i—tamin’ny alàlan’i Jeremia. Rehefa niteny taminy an’izany tamin’ny alàlan’ny Tenin’ny Tompo Andriamanitra, fa hisy fotoana iray izay hitondrana an’Isiraely any Babylona mandritry ny fitopolo taona. Indro tonga ny mpaminany iray hafa. Efa niteny taminy Izzy, nanao hoe, “Ankehitriny, hanana an’ireo mpaminany ianareo, hitsangana. Ary hanana azy ireo ianareo any Babylona, izay hitsangana, ary ireo mpanonofy sy mpaminany, izay haminany mifanohitra amin’Ity. Saingy teneno ny vahoaka tsy hihaino an’ireo olona ireo.”

¹⁴⁷ Ary tonga ny lehilahy iray tamin’ny anarana hoe—hoe, iray tamin’ireo mpaminany, Hanania. Ary rehefa nitsangana teo i Jeremia niaraka tamin’ny zioga iray teo amin’ny tendany, dia tonga i Hanania, nanao hoe, “HOY NY TOMPO HOE; Ao anatin’ny roa taona katroka, ireo fanaky ny Tompo rehetra . . .” Ankehitriny, ara-pototra, dia toa tena tsara ilay izy. “Hitahy ny Olony Andriamanitra. Hamerina ny zavatra rehetra marina tokoa Izzy, ao anatin’ny roa taona.”

¹⁴⁸ Ary nilaza ny Baiboly, fa na Jeremia mpaminany aza dia nanao hoe, “Amena. Amen. Ry Hanania, enga anie ny Tompo hanao ny teninao hiseho. Saingy ndao isika hieritreritra zavatra iray, ry Hanania. Efa nisy ireo mpaminany talohantsika, ary naminany nanohitra an’ireo firenena lehibe izy ireo ny amin’ny ady, sy ny sisa. Saingy, tsarovy, ny mpaminany dia fantatra rehefa avy voaseho ny faminianany.” Hitanareo?

¹⁴⁹ Tamin’izay fotoana izay dia nitsangana i Hanania, nanala an’ilay zioga teo amin’ny tendan’i Jeremia, teo anatrehan’ireo mpisorona rehetra sy ny fiangonana, angamba olona iray tapitrisa sy sasany. Ary naka an’io zioga izay napetrak’Andriamanitra teo amin’ny tendan’i Jeremia io, ho famantarana iray, ka nanimba an’izany ho potipotika, ary nanipy an’izany teo an-tongony, nafana fo fotsiny, ka nanao hoe, “HOY NY TOMPO HOE; Ao anatin’ny roa taona, dia hiverina izy ireo.”

¹⁵⁰ Nijery azy fotsiny i Jeremia. Nifanohitra tamin’ny Teny izany, noho izany dia niala lavitra fotsiny izy. Dia hoy Andriamanitra hoe, “Mandehana miverina ka teneno aminy,” hoe, “tsy niteny taminy mihitsy Aho.”

¹⁵¹ Nafana fo fotsiny izy. Nandray ny fiheverany manokana izy. Hitanareo? Tsy niandry mihitsy mandra-pahitany an’izany tokoa

izy ka nahafantatra fa tsy izy izany, hoe Andriamanitra no nilaza an'izany. Niverina izy, nafana fo tanteraka. Raha . . .

¹⁵² Mahita an'izany isika, manerana ny firenena, amin'izao andro izao. Nalefa tao amin'ny trano iray ny anankiray tamin'ireo horonam-peontsika vao tsy ela, izay nisy vondrona mpitoriteny resy lahatra teo no ho eo, ary tonga mba hatao batisa tamin'ny Anaran'i Jesosy Kristy. Dia nitsangana ny lehilahy iray tao amin'ilay efitra, izay niteny tamin'ny fiteny tsy fantatra ka nanao hoe, "HOY NY TOMPO HOE. Mifikira amin'izay anananareo. Manohiza fotsiny, mandroso, dia hitahy anareo Aho."

¹⁵³ Hoy izy ireo hoe, "Eny, raha ny Tompo no nilaza an'izany, dia ataoko fa izany no izy." Hitanareo, tsy voadinika niaraka tamin'ny Teny ilay izy. Ilay izy dia ny mandray ny Teny, aloha. Eo ianareo izao. Nifanohitra tamin'ny Teny ilay izy.

¹⁵⁴ Indro niverina i Jeremia, ilay mpaminany voahosotra. Niteny taminy Andriamanitra, nanao hoe, "Fantatro fa notapahan'i Hanania ilay zioga hazo teo amin'ny tendanao, izay Napetrako, saingy hanamboatra anankiray avy amin'ny vy Aho." Hoy Izy hoe, "Ary ireo firenena rehetra izay nandeha nanompo an'i Nebokadnezara, Mpanompoko," nefo mpanompo sampy iray izy. Hitanareo? Nefo Israely, nitandrina ny fanatitra rehetra, saingy izy ireo dia tsy . . . Hitanareo?

¹⁵⁵ Nanao teny fikasana iray Andriamanitra, fa hitahy Izy, saingy ireo fitahiana ireo dia eo ambanin'ny fepetra. Ary tsy maintsy manatanteraka an'ireo fepetra ireo ianareo, mba hanao an'izany hiasa.

¹⁵⁶ Nipetraka aho, vao teo, niaraka tamin'ny zazavavy kely iray, tsara fanahy eto. Voalohany, nodinihako ilay fianakaviana rehetra, mba hahita raha nisy zavatra tsy nety. Hanasitrana Andriamanitra, saingy eo ambanin'ny fepetra izany. Hitanareo? Ny zavatra tokana hitako, dia, natahotra ilay reny fa ratsy ny mihinam-panafody. Hoy aho hoe, "Aza mieritreritra an'izany ianao, ranabavy. Esory ao an-tsaina izany. Mandrosoa avy hatrany miaraka amin'ilay ankizy. Omeo azy ilay fanafody. Andriamanitra no hampahafantatra an'izany." Hitanareo?

¹⁵⁷ Ankehitriny, fa, ilay zavatra dia, jereo, fantaro. Ary avy eo, raha izany no HOY NY TOMPO HOE, dia mety.

¹⁵⁸ Ankehitriny dia hitantsika eto fa, ireo olona ireo, miezaka manamboatra zavatra izy ireo; Hagara sy-sy Saraha, mba hanampy an'i Abrahama, hanampy an'Andriamanitra mba hanao ny Fampanantenany ho marina. Tsy afaka manao an'izany ianareo. Tsy misy fomba, mihitsy, anaovana an'izany. Izany dia—izany dia manohitra ny zavatra rehetra. Hitranga ny Tenin'Andriamanitra, na ahoana na ahoana. Tokony hijoro tsara eo amin'ny Teny fotsiny ianareo, ka manao hoe, "Tahaka

an'ity izany," ary mihazona ny Teny. Ankehitriny, diniho, manamboatra zavatra mba haka ny toeran'Ny Teniny!

¹⁵⁹ Angamba ireo sakaizan'i Abrahama, ihany koa, raha mba nahamarika isika, angamba nandalo ireo sakaizan'i Abrahama dia nanao hoe, "Eny, ry rain'ny firenena, firy ny zanaka anananao ankehitriny?" Rehefa zato taona izy. "Hono ho'aho, ry rain'ny firenena, rain'ny maro, firy ny zanaka anananao ankehitriny?" Mpamingavinga!

¹⁶⁰ Ankehitriny, tsy hitanareo ve ilay fotoana? Tsy hitantsika ve izany, rehefa mivavaka ho an'ny zavatra iray isika matetika, ka tsy mitranga ilay izy?

¹⁶¹ "Indro mipetraka ny lehilahy antitra iray," hoy izy ireo. "Jamba izy. Marenina izy. Moana izy. Marary izy. Nanao an'ity izy. Mandehana mankeo ka sitrano izy, ianareo mpanasitrana avy amin'Andriamanitra. Hino an'izany izahay."

¹⁶² Fantatr'izy ireo ve fa izany ilay devoly iray ihany izay nanao hoe, "Mialà avy eo amin'ny hazo fijaliana, dia hino Anao aho. Avadiho ho mofo ireto vato ireto, dia hino an'izany aho"? Hitanareo? Ilay devoly iray ihany izay namatotra vorodamba nanodidina ny mason'ny Tomponsika, ary nikapoka Azy teo amin'ny loha tamin'ny tsorakazo, ka nanao hoe, "Ankehitriny, raha mpaminany Ianao, dia teneno aminay hoe iza no nikapoka Anao, dia hino Anao izahay."

¹⁶³ Eny, efa fantatrareo fa Fantany izay nikapoka Azy. Afaka namadika an'ireo vato ireo ho mofo Izy. Na, afaka niala teo amin'ny hazo fijaliana Izy. Saingy ho imona isika androany raha niala Izy? Hitanareo? Tsy fantatr'izy ireo ny fandaharan'Andriamanitra. Tsy maintsy mahita an'izay nampanantenain'Andriamanitra ianareo.

Ankehitriny tsy maintsy mandeha haingana aho.

¹⁶⁴ Ankehitriny, mety nilaza izy ireo ankehitriny hoe, "Ry rain'ny firenena, efa nandre anao izahay, dimy amby roapoloo taona lasa izay, nilaza fa hahazo zaza iray amin'ny alàlan'i Saraha ianao, ary avy amin'izany no hihavian'ireo firenen'ny olona. Zanaka firy marina moa no anananao amin'izao fotoana izao, ry rain'ny firenena?" Hah! Hitanareo? Izany ilay fanahy mpitsikera iray ihany izay nitsikera.

¹⁶⁵ Inona no nataon'i Abrahama? Voalaza hoe, "Tsy nianahanhana tamin'ny teny fikasana izy, tamin'ny tsi-finoana."

"Nahoana, teto ianao nivavaka ho an-d*Ranona-sy-ranona*, nefy tsy sitrana izy ireo."

¹⁶⁶ Tsy mampaninona izany. Raha mivavaka ho an'ny iray alina aho rahariva, ka iray alina no maty amin'ny maraina, rahampitso hariva dia mbola hanosotra ny marary foana aho ary hivavaka ho azy ireo. Andriamanitra no niteny an'izany. Tsy mampijanona an'ilay izy izany, na kely aza. Andriamanitra

no nampanantena an'izany. Mino an'izany aho. Izany tokoa. Tsy manao fahasamihafana izay lazain'izy ireo, milamina. Fa, hamingavinga izy ireo. Izany ilay latsa nohon'ny Teny.

¹⁶⁷ Abrahama, nijoro tamin'ny Tenin'Andriamanitra, farany dia tanteraka Izany. Oh, oadray!

¹⁶⁸ Diniho ilay famingavingana nohon'ny fahamombana. Voavingavinga, sy ny latsa nohon'ny fahamombana, aloha. Izy ireo dia nanana... Tsy maintsy nahatanty an'ilay latsa nohon'ny maha-momba nandrity'reo taona rehetra ireo izy. Efa saiky zato taona izy. Sivifolo taona izy, niaraka tamin'ny Tenin'Andriamanitra izay nilaza fa ho *mpanjakavavy* ihany koa izy, reny iray an'io zaza io. Ary izy sy Abrahama, momba, izy roa ny—ny vatan'izy ireo dia tena maty, kanefa tsy nisalasala tamin'io Teny io mihitsy izy ireo, na kely aza. Fa tsy maintsy nahatanty an'izany izy ireo, aloha. Ary avy eo, haleloia, nihazona Ny Teniny Andriamanitra, tao amin'io ora maizina io: teraka Isaka. “Ary ny taranany dia tahaka ny fasiky ny ranomasina na ireo kintan’ny Lanitra.” Hitanareo? Mamaly Ny Teniny foana Andriamanitra. Eny. Fahamombana aloha, avy eo dia Isaka.

¹⁶⁹ Zakaria sy Elizabeta, mitovy, ilay lehilahy antitra sy vehivavy antitra, mbola nihazona foana. Ary rehefa tonga teo i Zakaria, ka afaka nanoratra teo amin'ny fàfany, dia nanao hoe, “Nihaona tamiko ny Anjely iray, niteny tamiko fa hiteraka zaza iray aho amin'ny alàlan'i Elizabeta, ilay vadiko antitra eto. Tsy afaka miresaka intsony aho. Moana aho. Ho moana aho mandrapahatongan'ny andro ahaterahan'ilay zazakely. Fa ho tonga ny zazakely iray, ary ho mpaminanin'ny Avo indrindra izy. Izy no hanolotra an'ilay Kintan'ny Maraina. Izy no mpialoha lâlana ny Mesia.” Ahoana no mba ahafahan’izany hisy?

¹⁷⁰ Hoy ny sasany hoe, “Lehilahy antitra mampalahelo. Oh, izaho—ataoko fa karazan’ny lasa any ivelan’ny lohany kely izy, fantatrareo. Misy zavatra kely iray ao. Fa jereo i Elizabeta antitra eo, manodidina ny valopolo taona. Ary jereo—jereo—jereo i Zakaria, tena antitra sy mangovitra, nefá avy eo izy dia hilaza zavatra iray tahaka an'izany. Eny, lehilahy antitra mampalahelo.”

¹⁷¹ Fa nanana ny Tenin'ny Tompo izy. Latsa iray izany, hany ka nanafina ny tenany nandritry ny andro maro izy. Saingy nijanona niaraka tamin'ny Teny izy. Oh, oadray!

¹⁷² Nandà ny laza, nandà ny hevitra malaza, nandà an'ilay mamirapiratry ny andro, ary ireo lamaody sy ireo zavatry ny andron'izy ireo. Nolavin'izy ireo izany. Nolavin'izy ireo ny handeha miaraka amin'ireo vahoaka betsaka an'ireo tsimpino. Nolavin'izy ireo ny zavatr'izao tontolo izao. Tsy maintsy nanao an'izany izy ireo, mba hijanona miaraka amin'ny Tenin'Andriamanitra. Tsy maintsy nanao an'izany izy ireo.

¹⁷³ Toy izany koa amin'izao andro izao. Saraho ny tenanareeo amin'ny zavatra rehetra afa-tsý ianareeo sy Andriamanitra. Ilay izy dia tsý izay ataon'ny fiangonana. Ilay izy dia izay ataonareeo miaraka amin'Andriamanitra. Hitanareeo? Îlay izy dia ianareeo, amin'ny maha-isam-batan'olona. Eny.

¹⁷⁴ Fa jereo izay nomen'Andriamanitra azy. Rehefa Jesosy Izý tenany no tonga, dia maty i Zakaria, Elizabeta, ihany koa. Fa rehefa tonga tany an-efitra ny zanakalahin'izy ireo, niaraka tamin'ny HOY NY TOMPO HOE, dia hoy Jesosy hoe, "Tsy mbola nisy olona natera-behivavy lehibe tahaka azy." Amena. Inona? Niaritra an'ilay latsa nohon'ny fahamombana izy. Nijanona teo amin'ny Teny izy, ary namoaka an'io zanakalahy io.

¹⁷⁵ Tahaka an'i Saraha fahiny, tahaka an'i Abrahama fahiny, nifikitra teo amin'izany ireo mpivady antitra. Jereo, ny betsaka indrindra izay hany teraka, "tahaka ny fasiky ny ranomasina," tsý misy taranak'olona eto amin'izao tontolo izao maro tahaka an'ireo Jiosy. "Tahaka ny fasiky ny ranomasina na ireo kintan'ny lanitra." Inona no nitranga? Nitranga tao amin'ilay havitsiana izany, zanaka anankiray.

¹⁷⁶ Ankehitriny dia hitanareeo izay hahatongavako. Zanaka anankiray, izay ihany no nilain'izany. Nila zanaka anankiray mba hanozongozona an'ireo firenena sy hanondro an'ilay Mesia. Nila anankiray, mankatô. Marina izany. Lehilahy anankiray fotsiny no ilain'Andriamanitra. Izay ihany no Ilainy, any ho any izay Ahafahany hanana feo iray. Izay ihany no Ilainy, maka lehilahy anankiray ao amin'ny Fifehezany. Oh, toy ny ahoana no Itiavany maka lehilahy anankiray!

¹⁷⁷ Naka Noa iray Izý, indray mandeha. Naka Izý ny—naka Mosesy iray Izý, indray mandeha. Naka Izý ny—Jeremia iray. Naka Izý ny—Elia iray. Naka Elisa iray Izý. Naka Jaona iray Izý. Izý—maka Izý... Izý dia naka Samsona iray. Raha mbola afaka maka lehilahy anankiray ao amin'ny Fifehezany foana Izý, dia izany No Feony. Afaka miteny amin'ny alàlan'izany Izý. Afaka manameloka an'izao tontolo izao Izý. Oh, oadray!

¹⁷⁸ Toy ny ahoana no Aniriany mafy sy fatratra, hahazo olona iray ao amin'ny Fifehezany hoe, "Mba Ahafahako miteny amin'ny alàlany. Afaka mampahafantatra Ny Feoko Aho. Na dia hahatanty latsa iray aza izy, fa Izaho no hampahafantatra Ny Feoko." Hitanareeo? Oh, eny.

¹⁷⁹ Fahamombana, aloha. Tsý maintsy momba, tsý maintsy mahatanty an'ilay latsa nohon'ny fahamombana. Tsý maintsy nahatanty an'izany i Saraha. Toy izany koa no tsý maintsy nahatantesan'i Zakaria sy Elizabeta an'izany.

¹⁸⁰ Jereo, amin'izao andro izao. Ankehitriny dia hilaza zavatra iray aho. Jereo ankehitriny ireo zanak'ilay mpijangajanga. Nentiny teo ambanin'ny fifehezana ara-politikan'ny anaram-piangonana ireo firenena, ilay mpijangajanga sy ireo

zananivavy. Jereo hoe taranak'anaram-piangonana iray inona no nitsangana, ary vitsy toy ny ahoana ireo marina. Aza manahy ianareo. Mijanòna miaraka amin'ny Teny. Mety tsara izany.

¹⁸¹ Mety ho vingavingaina ianareo, antsoina hoe holy-roller. Mety antsoina amin'ny rehetra ianareo, karazana anarana ratsy rehetra. Fa, mijanòna tsara eo, Izany no Teny, ilay latsa nohon'ny Teny, ilay zavatra izay ho lazain'izy ireo mikasika anareo.

¹⁸² Lehilahy tanora iray, mety eto izy izao maraina izao. Sakaizako iray izy; Jim Poole, Jim tanora, ny—ny havany. Nanontaniana izy indray andro. Eny, natao batisa teto izy. Nisy olona iray nilaza taminy, nanao hoe, "Raha hatao batisa ao amin'ny fiangonana iray ianao, dia nahoana ianao no tsy nahita fiangonana goavana iray, tahaka an'izany?" Hitanareo? Saingy nahita an'ilay Hazavana izy. Izay ilay izy. Hitanareo?

¹⁸³ "Ireo zanaky ny tsi-marina dia maro noho ireo an'ny marina." Hia. Eny àry. Vitsy toy ny ahoana izy ireo, ireo an'ny marina! Jereo hoe eran'ny tånama kely toy ny inona no nisy tamin'ny andron'i Noa. Hitanareo? Jereo izay nisy tamin'ny andron'i Sodoma. Hitanareo? Vitsy toy ny ahoana ireo marina!

¹⁸⁴ Zanaka firy no ananan'ilay mpিজাগাঙ্গা! Miteraka zanaka amin'ny fomba ratsy rehetra izy, saingy zazasary izy rehetra. Ilay mpিজাগাঙ্গা no miteraka an'ilay mpিজাগাঙ্গা. Ilay alika no miteraka an'ilay alika.

¹⁸⁵ Ary ilay Kristy no miteraka an'ilay voahosotra. Ny Baiboly no miteraka an'ilay marina, noho izany dia tsy maintsy mahatanty an'ilay fisainana ny amin'ny hoe andiany kely isika. Zavatra iray tsara toy ny inona izany!

¹⁸⁶ Jereo ilay fiangonana Efesiana malaza, nisy roa ambin'ny folo fotsiny tao anatiny. Hia. Jereo hoe vondrona iray inona no ananantsika amin'izao andro izao, ilay andanin'izy ireo. Hia.

Fanahy valo fotsiny no nisy tamin'ny andron'i Noa.

¹⁸⁷ Dimy fotsiny no nisy tamin'ny andron'i Lota, tsia, efatra; Lota sy ny vadiny, ireo zananivavy anankiroa. Ary nivadika ho andrim-bato iray izy taorian'ny nivoahany, tamin'ny fitodihana nankany aoriana. Ny marina, dia telo no nivoaka tamin'io andro io.

¹⁸⁸ Ary hoy Jesosy hoe, "Tahaka ny tamin'ireo andro ireo." Mety amintsika ny miambina sy mitandrina. Vitsy toy ny ahoana ireo marina! Fa, toy ny hatramin'izay, dia tsy maintsy mandatsa ireo mpamingavinga. Ny fahamom-... Mahatanty ny latsa nohon'ny fahamombana, aloha. Oadray!

¹⁸⁹ Tsy maintsy mandeha haingana mihitsy aho. Izaho dia... Izaho tsy... Te-hanampy hihazona an'ireto ankizy kely ireto. Mahareta amiko kely fotsiny. Hitanareo?

¹⁹⁰ Ny olona dia toy ny hatramin'izay foana. Ankehitriny dia hilaza zavatra iray indray aho. Ary tiako ianareo... Ary

tsy fantattro na raisim-peo izao, na tsia. Fa raha eo amin'ny horonam-peo izao, dia tiako ianareo hihaino ahy, ianareo eo amin'ny horonam-peo. Aza diso an'izany, fa ianaro izany. Ny olona ankehitriny dia tahaka ny naha-izy azy foana. Midera an'Andriamanitra izy ny amin'izay efa Nataony; manantena an'izay Hataony; nefà tsy mahalala an'izay efa Nataony sy ataony. Midera an'Andriamanitra amin'izay efa Nataony izy; manantena an'izay Hataony; nefà tsy mahalala an'izay ataon'Andriamanitra izy, ary eo no mahadiso azy an'ilay zavatra manontolo. Manantena aho fa azon'izy ireo izany. Hitanareo? Tsy mahalala an'izay Ataony! Fantany izay efa Nataony; ary fantany ny teny fikasana ny amin'izay Hataony; nefà diso amin'ny fahitana an'izay Ataony izy.

¹⁹¹ Oh, ianareo Pentekotista, raha tsy ianareo no ohatr'izany! Manantena zavatra hitranga ianareo: tahaka ny isan'andro, efa nitranga mihitsy teo ambaninareo, nefà tsy fantattrareo izany. “Impiry moa Izy no te-hanomba anareo, tahaka ny anomban’ny akohovavy ny zanany, saingy tsy nety ianareo.” Mieritreritra ny amin'ireo fombafombanareo sy ireo anaram-piangananareo betsaka noho ny nieritreretanareo Ny Teniny sy Ny Fanahiny ianareo. Eny.

¹⁹² Latsa iray toy ny inona ho an'i Maria! (Raha mamarana isika.) Latsa iray toy ny inona ho an'i Maria sy Josefa, nohon'Ny Teniny. Andro Krismasy izao. Nikasa ny hanohy hihazona kely fotsiny aho, saingy handre betsaka an'izany ianareo eo amin'ny radio sy eo anivon'ireo pasitera, sy ny sisa. Latsa iray toy ny inona ho an'i Maria sy Josefa, ny nifikitra teo amin'ny teny fikasan'ny Tenin'Andriamanitra. Tsarovy, ankehitriny. Ary ilay fanesoesoana, ilay nampakatra volomaso, rehefa nahita an'i Maria kely nandalo izy ireo, nahita an'i Josefa. “Manambady mpijangajanga iray ianao.” Hitanareo? Ary tsarovy, rahalahy, ny fijangajangana dia fahafatesana tamin'ireo andro ireo. “Ankehitriny, miaro azy tsy ho vonoina ianao. Ho reny avy aminao izy.” Ary, fa, tsarovy, isan'andro, dia nifanaraka tamin'izy ireo Andriamanitra, ary araka ny Teny izany. Nefà tsy fantatr'izy ireo izany. Hitanareo?

¹⁹³ “Hiteraka zaza iray ny virijiny.” Efa fantatr'i Josefa izany. Efa fantatr'i Maria izany, satria, rehefa avy voasoratra ny Teny, dia nisy Anjely iray niresaka tamin'izy ireo, nanamarina, na naneho an'ilay Teny izay voasoratra mihitsy, izay hitranga. Aza manonofy ankehitriny. Eritrereto. Nidina teto an-tany ny Fanahy Masina; tsy niteny tamin'ilay fiangonana manontolo mihitsy. Izy ireo no Nitenenany.

¹⁹⁴ Nijery i Josefa. Ary talohan'ny namangian'ilay Anjely azy, dia hoy izy hoe, “Eny, ankehitriny, tiako izy. Saingy, lehilahy marina iray aho. Tsy afaka manambady vehivavy iray tahaka an'izany aho.”

¹⁹⁵ Dia niseho taminy ilay Anjelin'ny Tompo, tao amin'ny nofy, ka nanao hoe, "Ry Josefa, ianao ry zanak'i Davida, aza matahotra ny haka ho anao an'i Maria vadinao, fa izay ao an-kibony dia avy amin'ny Fanahy Masina." Oh, oadray! Fiononana iray toy ny inona! Hitanareo?

¹⁹⁶ Ary, Maria, teny amin'ny lèlany nankany amin'ny fantsakana. Ilay virijiny kely, teo amin'ny fito ambin'ny folo taona teo, valo ambin'ny folo, manambady lehilahy iray izay efa nanambady tany aloha ary nanana zanaka efatra; lehilahy antitra iray. Ary izy dia... Tia azy izy, nefà-nefà tsy fantany hoe nahoana. Ary izy tia azy, nefà tsy fantany hoe nahoana. Ary teo izy ireo. Tonga, nandeha nankeo amin'ny fantsakana, mba haka rano vitsivitsy, ary ilay fandinihana rehetra an'ireo zavatra izay izy—noeritreretiny, ireo Soratra, tsy isalasalana, ary avy eo dia nanjelatra teo anoloany ny Hazavana iray. Rehefa nanjelatra io Hazavana io, dia nisy Anjely iray nitsangana teo.

¹⁹⁷ Manontany aho hoe ahoana no tsapan'i Maria kely? Efa mba nieritreritra an'izany ve ianareo? Manontany aho raha nahatsapa natahotra tahaka ny tsapako omaly izy.

¹⁹⁸ "Arahaba, ry Maria!" *Arahaba* dia midika hoe "mijanòna." "Tandremo tsara izay ho Teneniko aminao. Voatahy eo anivon'ireo vehivavy ianao, satria nahita fitia tamin'Andriamanitra ianao, ka hiteraka Zaza iray. Tsy mahalala lahy, fa hahazo Zaza iray ianao. Ary Elizabeta rahavavinao, efa antitra, ihany koa, dia mitoe-jaza ihany koa izy, ary hiteraka zaza iray. Ary ho tanteraka ireo famantarana ireo."

Hoy izy hoe, "Ahoana no hahatanteraka an'ireo, fantatra, hita fa tsy mahalala lahy aho?"

¹⁹⁹ Hoy Izy hoe, "Ny Fanahy Masina no hanaloka anao. Ilay Zavatra Masina izay hateraka avy aminao dia hantsoina hoe ny Zanak'Andriamanitra."

²⁰⁰ Avelao ireo mpamingavinga hilaza an'izay tian'izy ireo lazaina. Efa fantany izany. Efa fantany fa hisy izany, satria Andriamanitra no niteny an'izany.

²⁰¹ Ankehitriny, ahoana fa tsy maintsy nahatsapa izy, tamin'ilay andron'ny fanolorana, na ny fahatongavan'ny famoràna an'ilay Zazakely, rehefa nanatona teo izy niaraka tamin'io Zazakely io teny an-tsandriny, tahaka an'izao. Ary nihataka lavitra ireo vehivavy rehetra, niaraka tamin'ny peta-kofehy tsara rehetra, mba hanolotra ny zazakelin'izy ireo ary hanao azy ireo ho voafora, ary saiky izy rehetra dia nitarika ondry iray. Fa izy kosa nanana domohina roa, manadio ho an'ny fanadiovany manokana. Voarakotra tao anatin'ny lamba mifatopatotra ilay Zazakely, nalaina avy teo amin'ny zioga teo amin'ny hatoky ny omby iray, zioga, ilay fandrakofana ny lamosin'omby iray. Izany ilay lamba mifatopatotra fotsiny tao amin'ilay fihinanam-

bilona. Tsy nanana na inona na inona ho Azy izy ireo. Tena nahantara izy ireo. Ary nitsangana teo izy.

²⁰² Tsy isalasalana, nihataka lavitra an'ilay virijiny kely ireo vehivavy rehetra. Hoy izy ireo, "Hitanareo, nahazo zaza tsy ara-dalàna iray izy." Jereo hoe toy ny ahoana no anaovan'Andriamanitra an'ireo zavatra toy ny tena lalina. Oh, oadray! Misintona fotsiny an'ireo volon'ondry ho eo amin'ny mason'i Satana mihitsy Izy. "Maloto toy ny ahoana! Loto toy ny ahoana! Fijangajangana. Izany no maha-izy azy. Mpijangajanga vavy iray izy." Tsy nampijanona an'io fidoboboboky ny fon'i Maria kely io izany. Nihataka lavitra Azy izy ireo.

²⁰³ Mbola manao an'ilay zavatra iray ihany foana izy ireo, miantsso Azy ankehitriny hoe, "Holy-roller, na fanatika," na tahaka an'izany.

Fantatr'i Maria hoe Zazakelin'Iza io. Nanohy fotsiny izy, na izany aza.

²⁰⁴ Fa, oh, tsy tokony ho nahamarika ve izy ireo rehefa, Simeona, izay nipetraka tao ambadika tao amin'ilay efitra, izy no nampanantenaina? Nandeha teo izy, naminany. Hoy izy hoe, "Niseho tamiko ny Tompo." Ary nilaza hoe, "Tsy hahita fahafatesana aho..." Ary valopolo taona mahery izy tamin'izany. "Tsy hahita fahafatesana aho alohan'ny ahitako ny Famonjeny."

²⁰⁵ "Oh, ry Simeona, antitra ianao, anaka. Ny—ny... Somary tsy ao amin'ny lohany ilay lehilahy antitra, fantatrareo, izy dia kely... Avelao fotsiny izy hipetraka tsara. Tsy mandratra izy. Tsy handratra na iza na iza izy."

²⁰⁶ Saingy Simeona no nanana ny Tenin'ny Tompo, nanao hoe, "Nahita ny Fanahin'Andriamanitra nilatsaka teo amiko aho. Nijoro aho ary njery Azy. Izy no niteny tamiko hoe, 'Ry Simeona, efa lehilahy marina iray ianao. Ary ianao tsy ho...Izaho no hanome fijoroana vavolombelona iray ho anao any.'" Ah-hah. Izay ihany.

"Ho an'ny inona no Hanaovanao an'izany, Tompo?"

"Raharahako izany."

²⁰⁷ Ny hevitro dia, hoe azo antoka fa afaka handraraka an'ilay arina eo amin'izy ireo Izy, tamin'io Andro io. "Nanana vavolombelona iray ianareo. Nahoana ianareo no tsy nihaino an'izany?"

²⁰⁸ Teo i Ana antitra jamba, nipetraka tao an-tempoly, nivavaka. Nanambara taminy ny Tompo hoe, "Marina ny an'i Simeona." Amena. Tsy afaka nanavaka ny andro amin'ny aizina izy, saingy afaka nahita lavitra kokoa noho ireo olona maro amin'izao andro izao izay manana maso tsara. Nahita izy, tao amin'ny Fanahy, fa antomotra ny fihavian'ny Mesia, nihetsika tao am-pony ny Fanahy.

²⁰⁹ Hitanareo ve hoe Fiagonana kely bitika iray toy ny inona no teo? Zakaria, Elizabeta, Maria, Jaona, Ana, ary Simeona; enina tamin'ireo an-tapitrisany. Tahaka ny tamin'ny andron'i Noa. Enina tamin'izy ireo. Nifanaraka tamin'ny tsirairay avy tamin'izy ireo Andriamanitra. Tao amin'ny firindrana izy rehetra. Niaraka izy rehetra. Amena.

²¹⁰ Indro, Simeona antitra. Indro nuditra ilay Zazakely. Tsy mbola nandre na inona na inona mikasika an'izany mihitsy izy. Indro ilay Zazakely. Ary tamin'izay fotoana izay i Simeona dia nipetraka tao amin'ny efitranony, ka tonga teo aminy ny Fanahy, nanao hoe, "Mivoaha, ry Simeona."

²¹¹ Indro lasa izy, nandeha, tsy nahafantatra hoe aiza no handehanany. Tahaka an'i Abrahama, nitady zavatra iray izy. Tsy fantany hoe taiza ilay izy, saingy nanohy nandeha izy. Afaka kelikely, dia nijanona izy. Ary tsy maintsy nilaza taminy ny Fanahy Masina hoe, "Io Izzy."

²¹² Nanatsotra tànana izy, nankeo amin'ny sandrin'i Maria, nandray an'ilay Zazakely teny an-tsandriny. Niandranda ka nanao hoe, "Tompo, aoka ny Mpanomponao ankehitriny handeha hiala amin'ity fainana ity amin'ny fiadanana. Ny masoko mahita ny Famonjenao." Ilay zavatra izay nesoin'ny olona rehetra, izay nalavirin'ireo vehivavy, hoy Simeona hoe, "Ity no Famonjenao, Tompo."

²¹³ Ary saiky tamin'io fotoana io, dia indro tonga ny vehivavy antitra jamba iray, nitsapsapa ny lâlany, nivembena nanerana an'ilay mpanatrika. Ary nanatona Azy izy, ary naminany ihany koa, satria nitady Azy izy. Niteny tamin'i Maria izy hoe, "Hanatsatoka ny fonao ny sabatra iray, saingy hanambara ny hevity ny fo maro Izany." Hitanareo? Inona izany?

²¹⁴ Ankehitriny, ataoko fa, ny sasany tamin'ireo vehivavy ireo dia nanao hoe, "Ankehitriny jereo io! Hitanareo ve hoe karazana kilasy inona ilay izy? Eo ianareo izao. Hitanareo? Izay ilay izy. Hitanareo ve hoe aiza ilay izy? Io lehilahy antitra io, mikorontana ao amin'ny loha. Indro izy eo, mitsangana eo anoloan'io zazavavy mpিজাঙ্গাঙ্গা io, miezaka milaza zavatra iray tahaka an'izany. Eo ianareo izao. Io Zaza tsy ara-dalàna io. Jereo ilay Ana antitra, mipetraka eo, manao ny tenany ho fatin'ny hanoanana, ary manohy tahaka an'izany. Tsy banana famalifaliana tahaka ny ananantsika izy. Fa, eo ianareo izao, hitanareo. Afaka nikambana tamin'ny fikambanana rehetra an'ny firenena eto izy. Avy tamin'ny fianakaviana tena tsara iray izy, hitanareo, ary afaka nikambana tany. Saingy io izy. Hitanareo ve hoe ahoana no ikambanan'io andiany io?" Oh, eny. Amena.

²¹⁵ Ilay zavatra iray ihany amin'izao andro izao. "Mipetraka ao amin'ireo toeran-Danitra ao amin'i Kristy Jesosy, nakarin'ny Fanahy Masina." Azo antoka. Eny, tompoko.

²¹⁶ Oh, mbola manana fotoana kely bitika fotsiny ve isika? Tokony hilaza zavatra iray aho. [Hoy ny fiangonana hoe, “Eny.”—Mpand.]

²¹⁷ Manana olona iray aho eto, izay jerekko, tamin’ilay fotoana izay nahatonga ny Teny ho voaseho io, ireo olon-kendry.

²¹⁸ Maniry aho ny hanana fotoana, Fred, mba hamakianao an’izany. Manana azy ve ianao ao am-paosinao? [Hoy Rahalahy Fred Sothmann hoe, “Eny.”—Mpand.] Ataoko fa maro aminareo no efa nahita an’izany tao amin’ny magazina.

²¹⁹ Ilay zavatra izay notenenin’ny Fanahy Masina teto amin’ilay renirano, telo amby telopolo taona lasa izay, vao avy nangadian’izy ireo izany. Ny faha-19 Desambra, nanaporofeo an’izany, avy tamin’ilay momba ny kintana, hoe ahoana fa—fa Jupiter sy ireo kintana ireo, tao amin’ny firaisan’izy ireo!

²²⁰ Izy ireo dia manana an’ilay momba ny kintana traintainy alim... ireo marik’izany, izay nangadian’izy ireo. Izany marina tokoa ilay fotoana izay nahatongavan’io firaiana io, tao amin’ny andian’ireo kintana ireo, ary nidina mihitsy nankao Babylona, ary nandray naoty an’izany ireo olon-kendry. Tsaroanareo ve? Nampifanapaka an’ireo lalany izy ireo, nitsingevana moramora, nisaratsaraka indray tany amin’ny lavitrissa taona hazavana. Ary ireo olon-kendry Jiosy izay tany Babylona ireo, dia nahita an’io firaiana io niditra tao amin’io andian-kintana io, ireo kintana ireo. Telo tamin’izy ireo no niditra, niaraka, ary nanao an’io kintan’ny maraina anankiray io. Ary fantatr’izy ireo izany tamin’ny alàlan’ny Tenin’Andriamanitra, fa izany ilay fotoana, rehefa tonga miaraka ireo kintana ireo, hoe ho teto an-tany ilay Mesia.

²²¹ Izany no antony nanombohan’izy ireo hoe, “Aiza Izy, teraka ho Mpanjakan’ny Jiosy? Aiza Izy? Any ho any! Satria, rehefa miditra ireo kintana ireo, mandra-pahatongan’ny vatan-danitr’izy ireo ho lasa ao anatin’ity vatan-danitra lehibe anankiray eto ity, rehefa mihetsika miaraka ireo telo ireo, dia ho eto an-tany ny Mesia amin’io fotoana io.” Ary rehefa niditra tao amin’ny lalany izy ireo, dia fantatr’ireo lehilahy ireo fa teto an-tany ny Mesia.

²²² Olo-mahay izy ireo teny amin’ny sahany. Lehilahy malaza izy ireo. Olo-mahay izy ireo teny amin’ny sahan’ny siansa ara-pivavahany. Nandinika ny lafiny ara-pivavahana an’izany izy ireo. Ary nahita an’ireo kintana ireo nihetsika izy ireo tany, Jupiter sy Saturne, ary avy eo niditra tao amin’ny—ny laharany. Dia hoy izy ireo hoe, “Fantatray fa any ho any ny Mesia. Noho izany, tsy maintsy ao Jerosalema Izy, satria izany no renivohitry ny fivavahan’izao tontolo izao, an’ny fivavahan’ny Mesia. Izany no foiben’izy ireo. Izany no foiben’ny ara-anaram-piangonana. Ao no mipetraka ilay vondrona malaza ara-pivavahana.”

²²³ Ary nandeha teo ambonin'ny rameva izy ireo, roa taona, niampita ny Renirano Tigrisy, ary nanerana an'ireo honahona sy aty ala, nandeha, nankao amin'ilay tanàna, ny fo feno hafaliana.

²²⁴ Nahafantatra izy ireo rehefa nihantona teo ireo kintana. Ary ity, na dia ireo mpandinika kintana aza dia milaza, amin'izao andro izao hoe, "Raha izy ireo tokoa, ireo kintana ireo, no tonga eo amin'io toerana io indray, dia hanao kintana anankiray izy ireo, avy eo amin'izay nitsanganan'izy ireo, mijery." Saingy tsy maintsy nitsangana avy teo amin'io toerana io izy ireo, mba hahita an'izany. Amena. Amena.

²²⁵ Miankina eo amin'izay itsangananareo izany. Miankina amin'izay jerenareo. Ah-hah. Hia.

²²⁶ Noho izany dia hitan'izy ireo izany, ary nanaraka an'izany izy ireo, ka tao amin'ny laharana mihitsy izy ireo. Tsy mampaninona izay nisy azy ireo, tao amin'ny laharana niaraka tamin'izy ireo mihitsy izany. Izany no nitarika azy ireo. Hitanareo?

²²⁷ Tahaka an'izany no tsy maintsy anaovanareo ny Soratra rehetra hilahatra, ny zavatra rehetra, avy eo dia mijanòna eo amin'io laharana io miaraka amin'ny Soratra. Izany ihany no fomba tokana. Izany no hitarika anareo avy hatrany mahitsy mankany Aminy. Hitarika tokoa izany.

²²⁸ Mariho ankehitriny. Indro tonga izy ireo, niantsoantso hoe, "Aiza Izy, teraka ho Mpanjakan'ny Jiosy?" Tao Jerosalema, ilay Kintana no nitarika azy ireo tao avy hatrany, nahitsy nankao amin'ireo foiben'ny ara-anaram-piagonana mihitsy. Fa rehefa nitodika niala tamin'izany izy ireo, dia nandao azy ireo ilay Kintana. Niditra tao an-tanàna izy ireo, nandroso-sy-niverina teny an-dàlambe. Nihevitra izy ireo fa ho feno fifalian'Andriamanitra ilay tanàna. Nandroso-sy-niverina teny an-dàlambe, tamin'ny fifaliana, nandeha izy ireo, nihiaikiaka hoe, "Aiza Izy izay teraka ho Mpanjakan'ny Jiosy? Nahita Ny Kintany izahay rehefa tany Atsinanana, ary tonga izahay mba hanompo Azy."

²²⁹ Tsarovy, ilay Kintana, nandeha niankandrefana izy ireo. Tany Atsinanana izy ireo. "Mitarika miankandrefana, mbola mandroso foana. Tariho izahay ho . . ." Hitanareo? Izy ireo dia tena . . . Izy ireo dia . . . Eny, Babylona sy Inde dia mipetraka ao Atsinanan'i Palestina, somary atsimo-atsinanana. Ary nandeha niankandrefana izy ireo. "Mitarika miankandrefana," fantatrareo ilay hira, "mbola mandroso foana. Tariho lâlana mankany amin'io Hazavana tanteraka io izahay." Hitanareo? Izy ireo, ireo olon-kendry, dia nankany andrefana. Niala tany Atsinanana, nandeha nankany andrefana, ary nahita an'io Kintana io izy ireo. Ankehitriny, raha tany Andrefana izy ireo, njery nankany aoriana, dia tsy nahita an'Izany izy ireo. Hitanareo?

²³⁰ Izy ireo, rehefa tonga teo izy ireo, dia Izany no nitari-dàlana azy ireo teo mihitsy, avy eo dia nandao azy ireo Izany. Dia nieritreritra izy ireo hoe, “Eto ilay izy. Niala ilay Kintana, noho izany dia eto ilay izy.” Tao an-tanàna izy ireo. Noho izany, “Oh, oadray,” hoy izy ireo, “mihira sy faly fotsiny ny olona rehetra. Manazava ny zavatra rehetra ny voninahitr’Andriamanitra. Noho izany, dia eto isika izao. Fantatsika fa ny—fantatsika fa ny zava-bitantsika, raha nandinika an’ilay firaisansa isika, tsy nisy anankiray, tsy nisy olo-mahay, afaka niakatra teny ka nisintona an’ireo kintana ireo hiaraka. Ary fantatsika, rehefa ireo—rehefa tonga tao amin’io vatan-danitra io ireo kintana ireo, dia izany ilay fotoana hoe eto an-tany ny Mesia. Eto an-tany ny Mesia.”

²³¹ Ary isaky ny an-jato taonany maro, dia mandalo eo amin’ny firaisansa indray izy ireo, hitanareo, ary amin’izay fotoana izay dia misy fanomezana iray tonga eto an-tany. Mariho.

²³² “Eto an-tany ny Mesia, rehefa io—rehefa miaraka io vondron-kintana io.” Ary fantatr’izy ireo fa teo Izy, noho izany dia nandeha nankao amin’ilay foiben’ny fivavahana izy ireo, ary nanomboka nandeha, nilaza, nandeha nandroso sy niverina teny an-dàlambe, ireo rameva, “Aiza Izy? Aiza Izy? Aiza Izy izay teraka ho Mpanjakan’ny Jiosy? Nahita Ny Kintany tany Atsinanana izahay. Eto Izy any ho any. Aiza Izy? Aiza Izy? Aiza Izy?” Hah! Latsa iray toy ny inona!

²³³ Nandeha nankany amin’ilay lohan’ny mpisorona izy ireo. Hoy izy, mety nilaza hoe, “Inona no olana aminareo lehilahy? Nahoana, ianareo andiana fanaticika!” Hitanareo? Latsa iray toy ny inona, teo ambonin’ny zava-bitia siantifikan’izy ireo! Tamin’ny alàlan’ny herin’Andriamanitra, no nahitan’izy ireo Ny Kintany. Ary olon-kendry izy ireo, manan-tsaina. Tany amin’ny sahan’ny siansa ara-pivavahana izy ireo. Ary fantatr’izy ireo, rehefa tonga teo ireo kintana ireo, fa tany ho any ny Mesia. Ary teo, ilay toerana tokony nahafantatra an’izany, dia tsy nahafantatra na inona na inona mikasika an’Izany.

²³⁴ Nieritreritra aho, ireo ankizy kely nitsangana teny an-dàlambe, nanao hoe, “Ha! Jereo io. Ha! Andiana fanaticika iray io. Henoy izy ireo, manao hoe, ‘Aiza Izy, teraka ho Mpanjakan’ny Jiosy?’ Tsy fantatr’izy ireo fa Heroda no mpanjaka eto. Tsy fantatr’izy ireo ny Eveka Ranona.” Oh, oadray!

²³⁵ “Aiza Izy izay teraka ho Mpanjakan’ny Jiosy? Nahita Ny Kintany tany Atsinanana izahay.”

²³⁶ Hoy izy ireo hoe, “Avia eto, ianareo olon-kendry rehetra eto, manodidina eto.” Ah-hah. “Avia eto. Mahita Kintana iray ve ianareo rehetra na aiza na aiza?”

“Oh, tsy mbola nahita zavatra tahaka an’Izany mihitsy aho.”

²³⁷ “Ianareo mpandinika kintana rehetra avia eto. Nahita Kintana iray ve ianareo rehetra na aiza na aiza?”

“Tsia. Tsia.”

“Efa nahita zavatra toy ny hoe karazana famantarana mahagaga iray ve ianareo?”

“Tsia. Tsy mahita na inona na inona tahaka an’izany izahay. Tsia.”

²³⁸ Tsy mbola, ihany koa. Mitovy. Tsy mahita na inona na inona izy ireo. Tsy afaka mahita an’Izany izy ireo.

“Ah, ndao isika hiantso an’ireo—ireo mpitoriteny. Ahoana ny aminareo rehetra?”

“Tsia. Tsy mbola nahita Kintana mihitsy izahay.”

²³⁹ “Eny, ahoana ny aminareo zalahy izay mametraka ny fotoana, eto amin’ny rindrina? Mandinika an’ireo kintana ianareo. Fantatrareo hatramin’ny . . . Fantatrareo hoe aiza no misy ny firaisansa tsirairay eny amin’ny lanitra. Fantatrareo ny kintana tsirairay. Efa nahita zavatra iray ve ianareo?”

“Tsia. Tsy mahita zavatra iray izahay.” Saingy teo Izany.

²⁴⁰ Voninahitra ho an’Andriamanitra! Oh, oadray! Tsy afaka mahita an’Izany ve ianareo? Eo Izany ankehitriny, nefà tsy afaka mahita an’Izany izy ireo. Miseho Izany, manodidina azy ireo, nefà tsy afaka mahita an’Izany izy ireo.

²⁴¹ “Tsia. Tsy nahita na inona na inona izahay. Oh, efa nandeha tany aho. Tsy nahita na inona na inona aho.” Azo antoka, tsy mahita ianareo. Jamba loatra fotsiny. Tsy ho anareo ny hahita an’Izany. Hitanareo? Raha jamba tahaka an’izany ianareo, nahoana, azo antoka, dia tsy hahita an’Izany ianareo.

²⁴² Izany dia ho an’ireo izay hanambaran’Andriamanitra Azy fotsiny. Izany no tokana izay mahita Azy. Efa tahaka an’izany foana. Azo antoka.

²⁴³ Noa no afaka nahita an’ilay orana tany amin’ny lanitra ambony, fantatrareo, fa ny sisa tamin’izy ireo dia tsy afaka nahita an’izany. Hitanareo? Tsy nahita an’ilay orana teny ambony teny izy ireo, fa Noa no nahita an’izany.

²⁴⁴ Abrahama no nahita an’i Saraha nihazona an’ilay zazakely. Marina izany. Tsy ireo mpamingavinga izay nanao hoe, “Ry rain’ny firenena, manana zanaka firy ianao ankehitriny?”

²⁴⁵ Ahoana fa afaka mandeha manerana ny Baiboly isika, ireo hendry sy mpaminany, hatrany amin’ny farany! “Ny finoana no fanehoana ny zavatra tsy hita.” Fantatr’izy ireo fa ny Teny no niteny an’izany, ary io ilay izy. *Eto* ilay fanehoana an’izany. Mahita an’izany izy ireo. Mariho ankehitriny. Oh, oadray!

“Tsy mahita an’izany Kintana izany ireo olon-kendrinay. Tsy misy na inona na inona amin’Izany.”

²⁴⁶ Nahoana? Marina tokoa, rehefa njery izy ireo, ka niditra tao amin’ny vondrona iray tahaka an’izany, dia lasa ilay Kintana.

²⁴⁷ Mitovy amin'izao andro izao. Izany no mamono Hazavana maro, marina izany, dia ny mifikitra amin'ny vondrona iray tahaka an'izany, izay tsy mino an'Izany akory aza, eo ampanombohana. Ary ahoana no hananantsika ny—ny firaism-piangonana iray? “Ahoana no handehanantsika miaraka raha tsy mifanaraka isika?” Ahoana ilay fiombonan’ny... an’ity eto ity, maneran-tany, ireo rehetra—ireo fiangonana, ireo fiangonana miray an’izao tontolo izao? Ahoana no hiraistsika miaraka, nefä misaraka any amin’ny an-tapitrисаны maily isika? Hitanareo? Ahoana no hanaovantsika an’izany? Ireo Evanjelika miaraka amintsika, sy *ity*, sy *itsy*, ary *itsy*, ary ny rehetra miaraka, kanefa mitambatra miaraka amin’ny andiana fahalòvana iray.

²⁴⁸ Andriamanitra dia maka Vady iray izay madio, masina, tsy mifangaro, mijanona amin’Ny Teniny. Eny àry.

²⁴⁹ Ny latsan’i Jesosy nohon’ny Teny. (Ary avy eo dia hijanona isika, afaka iray minitra fotsiny.) Nolatsaina nohon’ny Teny Jesosy. Jereo eto. Ahoana no Nahafahany nahatanty ny latsa, nefä Izy no Andriamanitra Masina, nitsofoka? Izy no Andriamanitra, Izy tenany, tonga nofo.

²⁵⁰ Ankehitriny, fantatrareo fa ny Baiboly no niteny an’izany. “Nikasika Azy izahay. Nahita Azy ireo Anjely.” Eritrereto fotsiny izany. Mino aho fa i Timoty no mametraka zavatra iray tahaka an’izany. Hitanareo? Hoe, “Iaraha-manaiky fa lehibe ny zava-miafina amin’ny toe-panahy araka an’Andriamanitra; fa Andriamanitra dia voaseho tao amin’ny nofo, hitan’ireo Anjely.”

²⁵¹ Teo amin’ny Fahaterahany ireo Anjely. Ahoana fa tsy maintsy njery niondrika ireo Anjely ka nifaly, rehefa njery niondrika teo amin’ilay fihinanam-bilona izy ireo ka nahita an’Andriamanitra nitsofoka. Amena. Tsy mahagaga raha nanomboka nihiakiaka izy ireo hoe, “Androany, ao an-tanànan’i Davida, no teraka Kristy ilay Mpamonjy.” Nifaly ireo Anjely, ary nampikopakopaka ny elany goavana niaraka izy ireo, ary teo amin’ireo havoanan’i Jodia, dia nihira izy ireo hoe, “Voninahitra ho an’Andriamanitra any amin’ny avo indrindra, fiadanana ety an-tany, ary ho an’ny olona ankasitrahana.” Izy ireo dia nahita ny Tenin’Andriamanitra, ka niambina an’Izany, mba hahita an’Izany ho voaseho. Ary teo Izany.

²⁵² Ankehitriny, tsy nino an’izany i Satana, fantatrareo. Hoy izy hoe, “Raha Ianao no izy...”

Hoy ilay Anjely hoe, “Izy no izy.” Izany ilay fahasamihafana.

“Raha Ianao no izy, ataovy *izao-sy-izao*. Avelao izahay hahita Anao manao an’ilay izy.”

Fa hoy ilay Anjely hoe, “Io Izy.”

²⁵³ Ireo olon-kendry niaraka tamin’ny siansa ara-pivavahany, dia nanao hoe, “Io Izy.” Amena.

²⁵⁴ Izany no antony nangadian'ireo arkeology sy ny sisa amin'izao andro izao an'ireo zavatra ireo, izay efa naminaniana taona vitsy lasa izay, fa hiseho. Ary indro izy ireo, manafongatra. Izy ireo aza tsy mihitsy... .

²⁵⁵ Tsy misy tantara izay hany nilaza fa mba teto an-tany i Pontio Pilato. Efa fantattrareo ve izany? Ny sasany aminareo ankizy any an-tsekoly teneno amiko hoe aiza ao amin'ny tantara no nilaza fa nisy Pontio Pilato. Ary mamingavinga an'izany ireo tsi-mpino ka maneso an'izany, nanao hoe, "Tsy nisy mihitsy ny—ny emperora Romana iray nantsoina, go—governora iray nantsoina hoe, Pontio Pilato." Fa teo amin'ny enina herinandro lasa teo izay, dia nangadian'izy ireo ilay vato fehizoro: Pontio Pilato, governora. Oh, oadray! Fahadalana iray!

²⁵⁶ Hoy izy ireo hoe, "Tsy nisy Ramesesa iray mihitsy ao amin'ny tantara, Ramesesa tany Egypta." Fa nangady vato iray izy ireo, arkelojia: Ilay Ramesesa, ilay faharoa. Mariho.

²⁵⁷ Ary nilaza izy ireo fa tsy nianjera mihitsy ireo rindrina. Nangady nanerana ireo arkeology, ary, ny zavatra voalohany fantattrareo, nangady izy ireo, lalina tany amin'izay nianjera nianjera'ireo rindrina tany Jeriko, fantattrareo, rehefa notsofina ny trompetra. Hoy izy ireo hoe, "Angano iray fotsiny izany, hira iray izay nolazain'ny olona anankiray, nohirainy tany." Hia. Ilay mpamingavinga no milaza an'izany. "Angano iray fotsiny izany. Tsy nisy mihitsy izany rindrina nianjera izany, sy Josoa nitsoka trompetra iray, ka nihazakazaka teo amin'ireo rindrina ka nianjera izy ireo. Tsy nisy ny zavatra tahaka an'izany." Fa nanohy nangady fotsiny ny arkeology Kristiana malaza iray, satria fantany fa tsy maintsy nisy izany. Nangady tany amin'ny telopolo dian-tongotra mahery tany izy, ambany noho ny an'ny sisa tamin'izy ireo. Teo ireo rindrina, nifanao antontany teo anttampony mihitsy, arak'izay nolazain'ny Teny mihitsy.

²⁵⁸ Hoy izy ireo hoe, "Tsy nisy izany hoe Davida iray mba nitendry ny zava-manenony izany, harpa misy tadiny iray, satria ny mozika nisy tadiny dia tsy mbola fantatra raha tsy tamin'ny taonjato faha-dimy ambin'ny folo." Hoy izy ireo, "Tsy nisy mihitsy ny zavatra tahaka an'izany." Nangady ireo arkeology Kristiana, tany Egypta. Efajato taona lasa izay, no nananan'izy ireo an'ireo zava-maneno misy tadiny. Amena. Oh, oadray!

²⁵⁹ Nilaza izy ireo, mikasika an'ireo zanaka Hebreo nanamboatra an'ireo vato ireo sy ny sisa tahaka an'izany, avy tamin'ny mololo hoe, "Tsy nisy ny zavatra tahaka an'izany." Nandeha nangady ireo arkeology tany. Inona no hitan'izy ireo? Ny siansa izany. Inona no hitan'izy ireo? Ireo rindrin'ilay tanàna izay naorin'ireo Hebreo, ilay soson'ireo vato voalohany dia mololo; ilay faharoa dia vodi-vary voakapa potipotika; ary ilay fahatelo dia tsy nisy mololo tao anatiny, mihitsy. Oh, oadray!

Rava ireo firenena, mifoha Isiraely,
 Ireo famantarana izay notenenin'ireo mpaminany
 mialoha.

²⁶⁰ Eny, tompoko. Tonga eo amintsika izany rehetra izany, rahalahy, ranabavy. Nahoana izany? Nandritr'ireo taona vitsy farany, dia tsy nahavita mihitsy an'izay hany vitany ny tontolon'ny sarimihetsika. Tonga eo amin'ny fitara-tsary ny tantaran'ny *Ireo Didy Folo* an'i Cecil DeMille. Tonga eo amin'ny fitara-tsary ny fiainan'i Jesosy Kristy tamin'ny alàlan'i *Ben Hur*. Tonga eo amin'ny fitara-tsary *Ilay Mpanjono Goavana*, ilay fiovam-pon'i Petera. Ireo fampisehoana ara-pivavahana rehetra ireo, izay nolavin'ireo sarimihetsika, sy nolotoina, ary notsipahana. Fa, Andriamanitra, tamin'ny Heriny mahery, no namoaka an'izany, na izany aza.

²⁶¹ Izao ankehitriny izao, ireo zavatra izay voalaza taona vitsy lasa izay, mpanompo mahantra iray, manetry tena kely, ny tenako, an'Andriamanitra. Hoy aho hoe, "Nisy Hazavana iray izay nitsangana ary niresaka tamiko, ka niteny tamiko an'ireo zavatra izay hatao." Nihomehy ny olona ka nanao hoe, "Any ankoatry ny lohany kely izy." Misy sary iray an'Izany. Ny siansa no naka an'Izany. Eo Izany. Izany no Fahamarinana.

Hoy aho hoe, "Voaaloky ny fahafatesana ilay vehivavy."

²⁶² Hoy izy ireo hoe, "Raha aloka, ankehitriny, fahadalana izany. Izy fotsiny no manamboamboatra an'izany ao an-tsainy."

²⁶³ Misy ny sarin'izany. Andriamanitra no hanao an'ireo vatolampy hiantsoantso. Afaka manao an'izay Tiany hatao Izy.

²⁶⁴ Jesosy, ny latsa nohon'ny Teny. Ilay Zanak'Andriamanitra Masina nitsangana tany, Imanoela, latsa iray toy ny inona! Namela an'ilay mpanota tsy mino hamatotra Azy, handrora teo amin'ny Tavany, sy nisintona volombava eran'ny tènana, ary nihaika Azy hanao ny zavatra rehetra mikasika an'izany. Ny latsa nohon'ny Teny! Ah-hah. Inona? Mba hanatanteraka ny Tenin'ny Ray. Oh! Fa, tsarovy, tsy maintsy nahatanty ny latsan'ny fahafatesana Izy. Andriamanitra, Izay tsy afaka ny ho faty, ary ilay hany Tokana izay afaka ny ho faty mba hamonjy mpanota iray. Tsy nisy iray hafa, tsy nisy olona faharoa na olona fahatelo, afaka nanao an'izany. Andriamanitra Izy tenany no hany Tokana afaka manao an'izany. Ary teo Izy.

²⁶⁵ Hoy Izy hoe, "Tsy misy olona niakatra afa-tsy Izy izay nidina, dia ny Zanak'olona izay any An-danitra ankehitriny." Amená.

²⁶⁶ Hoy izy ireo hoe, "Ny razanay nihinana ny mana tany an-efitra."

"Fa maty izy ireo," hoy Izy.

"Nefa Ianao ve no milaza fa Ianao no Mofon'Aina?"

²⁶⁷ Hoy Izy hoe, “Talohan’ny nisian’i Abrahama, dia IZAHO NO IZY. Izaho no Mofon’Aina. Izaho no IZAHO NO IZY.”

²⁶⁸ Hoy izy ireo hoe, “Tsy dimampolo taona akory ve Ianao, nefà milaza fa Ianao dia ‘efa nahita an’i Abrahama?’”

²⁶⁹ Hoy Izy hoe, “Talohan’ny nisian’i Abrahama, dia IZAHO NO IZY.” Ary avy eo dia namela an’ireo mpanota hamatotra Azy, ilay fiangonana ara-anaram-piangonana, hamatotra Azy.

²⁷⁰ Tsaroanareo, amin’ny andro farany, ity fiangonana Laodikiana manan-karena ity, izy ireo dia nandroaka Azy, mihitsy aza, avy tao amin’ilay fiangonana. Hitanareo ve hoe aiza no misy azy ankehitriny? Afaka mahita ve ianareo hoe nahoana aho no miantsoantso manohitra an’io rafitra io? [Hoy ny fiangonana hoe, “Amena.”—Mpand.]

²⁷¹ Nahoana Jesosy no namela an’ireo mpanota hamatotra Azy? Izany dia mba hanatanteraka ny Teny, mitondra latsa iray ho an’Andriamanitra, eo am-pahafatesana. Tsy maintsy maty Andriamanitra. Tsy maintsy lasa nofo Izy, mba ho faty. Ary fantatr’i Jesosy izany. Niteny tamin’izy ireo mikasika an’izany Izy. Hoy Izy hoe, “Ravao ity tempoly ity, fa Izaho no hanangana azy indray.” Tsy hoe olon-kafa iray no hanangana azy. “Izaho no hanangana azy. Afaka telo andro, dia Izaho mihitsy no hamerina azy indray. Ravao izy; Izaho no hanangana azy. Tahaka an’i Jona tao an-kibon’ny trozona, nandrity ny telo andro sy alina, dia tsy maintsy ho toy izany koa ny Zanak’olona ao anatin’ny fon’ny tany.” Ary tsy azon’izy ireo akory aza izany. Hitanareo? Latsa iray nohon’ny Teny, Izy—izany Izy.

²⁷² Ankehitriny, voavingavinga hatrany amin’ny fahafatesana, mba hitsangana indray ho amin’ny Fiainana Mandrakizay. Tsy maintsy natao ho faty aloha Izy, mba Ahafahany manangana ho amin’ny Fiainana Mandrakizay, sy mitondra ny olombelona hafa rehetra (izay tao amin’ny Endriny) ho amin’ny Fiainana Mandrakizay, izay hanaiky an’Izany. Hitanareo? Lasa olombelona Izy, lasa havana Mahavotra iray, ary tsy maintsy nahatanty ny latsan’ny famingavingana rehetra, sy ny fanesoana rehetra, tahaka ny nataon’ireo mpanompo Namany teo Alohany. Tahaka an’i Mosesy, tahaka an’i Noa, tahaka ny sisa rehetra amin’izy ireo izay nahatanty an’izany famingavingana izany, dia tsy maintsy nahatanty ny famingavingana Izy. Nahoana? Nanana ny Teny Izy, ary Izy no Teny. Izany no antony namingavingan’izy ireo Azy mihoatra noho ny hatramin’izay. Izy no Masina ary ny Teny Izy tenany. Haleloia! Izany no nanaovana Azy.

²⁷³ Hoy Jesosy hoe, “Ianareo mpihatsaravelatsihy.” Hoy Izy, “Ianareo manorina an’ireo fasan’ny mpaminany, nefà ianareo no hany nametraka azy ireo tao. Tonga niaraka tamin’ny Tenin’Andriamanitra izy ireo, nefà ianareo tsy nino azy ireo. Meloka amin’ny tsirairay avy amin’izy ireo ianareo.”

²⁷⁴ Any Phoenix, raha sitrapon'Andriamanitra, nikasika teny iray aho indray andro. Miampanga an'ity taranaka ity aho nohon'ny famonoana an'i Jesosy Kristy, nanohombo Azy indray. Hitondra fiampangana iray eo anatrehan'io fikambanan'ny mpitoriteny io aho, raha sitrapon'Andriamanitra. Meloka ny amin'ny Ràn'i Jesosy Kristy izy ireo, nohon'ny nanohomboana Azy indray. Eny, tompoko. Miampanga an'ilay manontolo!

²⁷⁵ Niampanga azy ireo i Petera, tamin'ny Andron'ny Pentekosta. Hoy izy hoe, "Ianareo tamin'ny tānan'ny ratsy fanahy no nanohombo an'ilay Andrian'ny Fiainana, Izay natsangan'Andriamanitra. Vavolombelona izahay." Nitondra fiampangana iray izy.

²⁷⁶ Haka ny Tenin'Andriamanitra aho, hiampanga ny anaram-pianganana rehetra izay misy, sy ny olona rehetra eto amin'ny tavan'ny tany, izay meloka ny amin'ny Ràn'i Jesosy Kristy. Hanampy ahy ho Mpisolovavany anie Andriamanitra amin'izany andro izany. Amena. Eny.

²⁷⁷ Oh, naneso Azy ireo mpamingavinga. Nandatsa Azy izy ireo. Nijanona tsara tamin'Izany Izy. Amena. Oh! Diniho izay Nataony. Izy no Zanak'Andriamanitra, niaritra fahafatesana mba hamono ny fahafatesana. Tsy maintsy nanao an'izany Izy. Ny... Izany no fomba tokana nahafahana namono azy ho faty. Ary nanao an'io Izy, ary nahatanty an'izany, satria ny sisa rehetra tamin'izy ireo dia nahatanty.

²⁷⁸ Satria, izy rehetra tany aoriana tany ireo dia nanana ny Tenin'Andriamanitra kely dia kely. Satria, Jesosy no niteny an'izany. "Ny—ny Tenin'ny Tompo dia tonga tamin'ireo mpaminany. Ary iza tamin'izy ireo," hoy Izy, "no tsy notorahan'ny razanareo, ny fivavahanareo voarafitra, vato ka novonoina ho faty? Iza tamin'izy ireo no nandray an'ireo mpaminany? Avy eo ianareo dia nanorina ny fasan'izy ireo taorian'ny nahalasanany." Hoy Izy, "Meloka tamin'ny fanaovana azy ireo tao ianareo."

²⁷⁹ Avy eo dia Nomeny azy ireo ny fanoharana mikasika an'ilay tanimboaloboka nampanofaina, ka tonga ireo mpanompo. Nasiany ratsy izy ireo, avy eo dia hoy izy ireo tamin'ny farany hoe, "Ankehitriny dia hovonointsika ilay zanakalahy, satria izy no mpandova." Hitanareo? Oh, tezitra izy ireo rehefa hitan'izy ireo izany. Hitanareo?

²⁸⁰ Fa tsy maintsy nahatanty ny latsa Izy. Ary indro Izy namela ny Tenany ho voafatotra, notarihina teo amin'ny fahafatesana, mba ho vonoina ho faty, mba hamerina ny Fiainana Mandrakizay indray. Voninahittra ho an'Andriamanitra! Oh, toy ny ahoana no itiavako Azy! Mamerina ny Fiainana Mandrakizay ka manangana ny zanak'Andriamanitra rehetra, nanerana an'ilay taona, izay nijoro tamin'io Teny io ka nitondra ny latsa. Marina izany.

²⁸¹ Raha tsy tonga Izy, dia tsy afaka hitsangana i Noa. Raha tsy tonga Izy, dia tsy afaka hiverina i Elia. Raha tsy tonga Izy, dia tsy hitsangana mihitsy i Noa, raha tsy afaka Izy...raha tsy tonga Izy. Satria, Izy no ilay Zanak'ondry voafidy mialoha, izay tonga mba hitondra ny latsa teo amin'ny Tenany, ary maty tamin'ny fahafatesana ho an'ny Tenin'Andriamanitra tsirairay izay efa voateny, sy notohan'an'ireo lehilahy marina ireo. Tsy maintsy ho izany Izy. Tsy nisy olon-kafa afaka nanao an'izany. Andriamanitra Izy tenany, ary tonga Izy ka naka an'ilay toerana, mba Ahafahany manavotra sy manome Fiainana Mandrakizay ho an'ny zanak'Andriamanitra tsirairay izay nanohana an'ilay Teny iray ihany ka niaritra ny latsa. Ny zanak'Andriamanitra tsirairay, nanerana an'ilay taona, izay nahatanty ny latsa, tsy nisy olona iray afaka nanavotra azy, fa tamin'ny finoana no nahitany an'io Mpanavotra io tonga.

²⁸² Nahita Azy i Joba. Nitsangana i Joba tany, ka hoy izy ireo hoe, "Oh, mpanota miafina iray ianao. Nanao ratsy anao fotsiny Andriamanitra, satria mpanota miafina iray ianao."

²⁸³ Hoy izy hoe, "Fantattro fa velona ny Mpanavotra ahy. Amin'ny andro farany dia hitsangana eto an-tany Izy. Na dia ravan'ny kankan'ny hoditra aza ity vatana ity, dia mbola, hahita an'Andriamanitra ao amin'nynofoko aho."

²⁸⁴ Hoy ny vadiny hoe, "Nahoana ianao no tsy manozona Azy dia maty?" Hoy izy, "Tahaka ny mahanttra iray mampalahelo ianao."

²⁸⁵ Hoy izy hoe, "Miteny tahaka ny vehivavy adala ianao." Amena. Teo Izy. "Fantattro fa velona Izy, ary hitsangana Izy amin'ny Andro farany."

²⁸⁶ Raha tsy tonga Jesosy, dia tsy afaka navotana i Joba, satria Izy no Zanak'ondry voavono hatramin'ny fanorenana an'izao tontolo izao. Fantany ny Fitoerany. Fantany ny Toerany.

²⁸⁷ Izany ilay antony, nahafantatra an'io toerana io i Maria, tamin'ny andro izay nivoahany teo. Hoy izy hoe... "Raha izaho... Ianao no teto, dia tsy maty ny anadahiko."

Hoy Izy hoe, "Hitsangana indray ny anadahinao."

Hoy izy, "Eny, Tompo, amin'ny fitsanganana. Zazalahy tsara iray izy."

Hoy Jesosy hoe, "Fa IZAHNO ilay fitsanganana. Mino an'izany ve ianao?"

²⁸⁸ Hoy izy hoe, "Hia, Tompo, mino aho fa Ianao no Zanak'Andriamanitra izay tonga eto amin'izao tontolo izao."

Hoy Izy hoe, "Aiza no nandevenanareo azy?" Oh! Eo ianareo izao. Am-ham.

²⁸⁹ Fantany izany. Tsy io vehivavy kely io no nilaza an'izany. Efa nanana devoly fito noroahina avy tao aminy izy. Fantany ilay herin'Andriamanitra, izay afaka nanaisotra ny fireharehana ary

ny fiendratana sy ny sisa, niala taminy, izay afaka nanaisotra an'ilay fanahy kely, tia tena an'ny sekoly ambony niala taminy, ka afaka nanao azy ho olom-baovao iray. Nandroaka devoly fito Izy. Ireo vehivavy dia nahafantatra hoe inona Izy, izay nanaiky Azy.

²⁹⁰ Fantatr'izy ireo izay Azony hatao ho azy ireo. Izy ireo amin'izao andro izao dia toy izany, ihany koa. Ekeo fotsiny izany. Izany ilay zavatra manaraka.

²⁹¹ Io Izy. Izy no nilaza an'izany. Ary Izy... Fantatrareo izay niseho. Oh!

²⁹² Izay rehetra niaritra ho an'ilay Teny iray ihany, dia maty ho an'izany antony izany Izy. Izy no hany Tokana izay afaka ho faty, mba hanao an'izany, satria Izy no Teny. Izy no Teny, ny Teny tonga voaseho. Ny hafa rehetra dia nanana fitsobohana kely, fa eto dia ny fahafenoan'Andriamanitra, no tao Aminy. Tsy miova Izy androany. Hebreo 13:8, "Jesosy Kristy no tsy miova omaly, anio, ary mandrakizay." Henoy.

²⁹³ Mamarana aho, marina tokoa. Hataoko izany, tsy maintsy mihitsy. Nihoatra ny fotoana aho.

²⁹⁴ Tsy nanoratra teny iray mihitsy Izy. Nanoratra ve Izy? [Hoy ny fiangonana hoe, "Tsia."—Mpand.] Tsy nanoratra teny iray mihitsy. Nahoana? Izy no Teny. Izy no inona? Ireo Teny izay efa voasoratra, Izy no fanehoana an'io Teny io. Voninahitira! Fioo! Ankehitriny dia mahatsapa ho tsara aho. Izy no Teny. Tsy nila nanoratra na inona na inona Izy. Izy no Teny, ity Teny tonga voaseho ity. Voninahitira ho an'Andriamanitra! Izy no tsy miova anio, omaly, anio ary mandrakizay. Izy no Teny, Teny tonga voaseho.

Hoy ianareo hoe, "Marina ve izany, Rahalahy Branham?"

²⁹⁵ Diniho Jehovah nitsangana tany ka nitsoka fanosehana iray nanerana an'ireo onja ohatra tany, ka nanao lâlana mba hiampitan'ny Isirael.

²⁹⁶ Diniho Jehovah tao amin'ny nofo, nanao hoe, "Milamîna, mipetraha tsara." Rehefa nikapokapoka ny morona ireo onja, tao anatin'ny tafio-drivotra, ka nanetsiketsika ny zavatra rehetra ny devoly, tahaka an'izany, dia hoy Izy hoe, "Milamîna, mipetraha tsara." Dia nankatô Azy izany; ireo rivotra sy ny rehetra. Izy no Jehovah. Amena.

²⁹⁷ Io Jehovah izay afaka nitsangana tany io ka namafy ando vitsivitsy, namela azy hilatsaka tamin'ny tany ka lasa mofo, mba hamahanana vahoaka iray.

²⁹⁸ Nitsangana Izy ary naka trondro dimy, na, bisky dimy sy trondro roa, ka namahana dimy arivo.

²⁹⁹ Izy no Teny. Amena. Amena. Izy no Teny, ary Izy no ho Teny mandrakariva. Ary izaho sy ny ankohonako, dia hanompo ny Teny izahay.

Oh, te-hahita Azy aho, te-hibanjina ny Tavany,
 Mihira eo mandrakizay ny Fahasoavany mamonjy;
 Eo amin'ireo làlam-ben'ny Voninahitra, avelao
 aho hampakatra ny feoko;
 Rehefa lasa ny fiahiana rehetra, dia ho any an-
 trano amin'ny farany, hifaly mandrakariva.

³⁰⁰ Oh, oadray! Eny. Mitondra ny latsa nohon'ny Teny. Misy latsa iray mandeha miaraka amin'ny Teny. Mijanòna tsara amin'ny Teny, ka ento ny latsa.

Ndao isika hivavaka.

³⁰¹ Jesosy, tahaka an'ilay indray hariva, Tompo, niantsoantso aho hoe, "O Jesosy, inona no Tianaò hataoko? Inona no azoko hatao, Tompo? Mahita an'ireo zavatra ireo, ary mahafantatra ny ora izay iainanay, inona no azoko hatao, Tompo? Inona no azoko hatao?"

³⁰² Mivavaka ho an'ny fiangonana keliko eto aho, Tompo. Mieritreritra an'ireo vorona kely tao amin'ilay fahitana aho, ireo zavatra izay efa nisy; ary ireo vorona hafa, izay zavatra lehibe. Fa nisy telo mahery tamin'izy ireo, Tompo. Fa rehefa niditra ireo Anjely ireo, dia tsy nisy vorona tavela intsony. Nahafinaritra ireo iraka kely, Tompo, saingy mino aho fa misy zavatra iray izay vonona ny hiseho mihitsy. Ho tanteraka anie izany, Tompo. Lasiro izahay ary ataovy araka ny Fombanao. Izahay no—izahay no tanimanga. Ianao no Mpenefy.

³⁰³ Eo amin'ity ankatoky ny Krismasy ity, Tompo, dia mankasitraka izahay ny amin'ilay fanomezan'Andriamanitra, fa Andriamanitra no nanome anay. Na dia ity aza no anankiray, araka ny inoanay ao am-ponay, finoanoam-poan'ny mpanompo sampy an'ny andro iray izay niezahan'izy ireo namolavola an'izany ka nanao an'izany ho toy ny—ny lamesa iray, lamesan'i Kristy, saingy tsy tonga ao amin'io fomban'i Santa Claus sy hazo Krismasy io izahay ary—ary ireo fanaingoana. Fa tonga amin'ny Anaran'ny Tompo Jesosy izahay, mba hanompo an'ilay Andriamaniry ny Lanitra, izay lasa nitsofoka, nofo tahaka anay, ka nonina teo anivonay, mba hanavotra anay; ary niaritra ny latsa nohon'ny Anarana, niaritra ny latsan'ny hazo fijaliana, mba hamela an'ilay fikambanan'izao tontolo izao hamono an'i Imanoela ho faty, mba Ahafahany hitondra anay ho amin'ny Fiainana Mandrakizay.

³⁰⁴ Iza moa izahay, Tompo? Iza moa izahay, no tokony hiala lavitra ny latsa iray? Andriamanitra, ataovy miaramila mahery fo izahay. Apetrako Aminao ireo teny ireo, Ray. Mety tapatapaka izy ireo; reraka sy sasatra aho. Fa, Ray, valio soa ireto olona ireto nohon'ny fipetrahana sy fihainoana. Ary enga anie ilay hery izay nanangana ny Tomponay, ka nanolotra Azy taminay teto ho Mpamony iray, ao amin'ireto andro farany ireto, enga anie izany hamelombelona ny fanahy tsirairay ato, Tompo, ho

an'ny fahakaikezan'ny Fihavian'ny Tompo Jesosy. Enga anie ho tanteraka izany, Ray.

³⁰⁵ Sitrano ny marary sy ny ory izay eo anivonay. Fehezo ny fo torotoro. Tompo, izahay dia... Betsaka no efa nandalovanay, manana holatra maro ao anatiny ny foko, Tompo, avy tamin'ireo ady sarostra. Mpiady tranainy iray aho. Ampio aho, Tompo. Mila ny Fanampianao aho. Angamba ho an'ny tanjona iray izany fanofanana rehetra izany. Matoky aho fa efa izany ilay izy, Tompo. Ampio aho, O Andriamanitra. Ary ampio ity fiangonana ity. Ary tahio izahay, miaraka.

³⁰⁶ Tahio ireo ankizy kely. Mieritreritra an'ireo maro aho androany, ireo ankizy kely, mahantre izay tsy hahazo na inona na inona any. Ka izaho—mivavaka aho mba Hombanao azy ireny sy hanampianao azy ireny. Omeo Fiainana Mandrakizay izy ireny, Tompo. Izany no lehibe... izany no Fanomezana Krismasy izay ilainay, dia ny Fiainan'i Jesosy Kristy hanapaka sy hanjaka ao am-poko. Izany no ilaiko, Tompo.

³⁰⁷ Tahio izahay, miaraka ankehitriny. Mametraka an'ireo Teny ireo eo Aminao izahay. Aoka izy ireo hilatsaka na aiza na aiza tian'izy ireo, Tompo. Na aiza na aiza hany misy fo misokatra, dia enga anie izy ireo hiteraka fotoana lehibe iray an'ny famonjena, amin'ny Anaran'i Jesosy. Amena.

³⁰⁸ Na iza... Firy no tia Azy? [Hoy ny fiangonana hoe, "Amena."—Mpand.] Nahoana no ho maika tahaka an'izany, na ahoana na ahoana? Oh, tiako Izy! Tiako Izy. "Tompo, inona no Tianao hataoko?"

³⁰⁹ Aza adino ireo favoriana rahariva. Fantatrareo ve hoe inona no dikan'ny Krismasy ankehitriny? Oh, *Ity* no fanomezana Krismasiko. *Ity* io Teny io. Tompo, raha afaka mamela ny tenako fotsiny aho, raha afaka manala ny tenako eo amin'ilay lalana fotsiny aho mba ahafahan'Ny Teninao maneho an'Izany, ny Tenany manerana *eto*, izany no—izany no zavatra lehibe indrindra izay fantatro.

³¹⁰ Ankehitriny dia heveriko fa manana zavatra vitsivitsy izy ireo izay tian'izy ireo homena an'ireo ankizy. Ankehitriny dia haveriko amin-dRahalahy Neville ny fotoana. Andriamanitra hitahy anareo.

Rahalahy Neville.



NY LATSA NOHON'NY TENY MAG62-1223
(The Reproach For The Cause Of The Word)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 23 Desambra, 1962, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2020 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org